





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4394/A/2





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4394/A/2



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4394/A/2



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4394/A/2

Herlinus Fayus
Dupl. L v 57

4394 (X)² / A / 2


4656 (2)


65.03.34


2999


12 /


Payne
12/11















29995(1)

DE
SIMPLICIBVS
MEDICAMENTIS
EX OCCIDENTALI INDIA
DELATIS, QVORVM IN
MEDICINA VSVS EST.

Auctore D. NICOLAO MONARDIS
Hispalensi Medico;

Interprete CAROLO CLVSIO Atrebate.



ANTVERPIÆ,
Ex officina Christophori Plantini,
Architypographi Regij.
M. D. LXXIIII.

DE
SIMPLICIBUS

ATQUE MEDICAMENTIS

EX OCCIDENTALI INDIA

DELATIS

SUMMA PRIVILEGII.


PHILIPPI Regis Hispan. &c. Ducis Brab. &c.
Privilegio cautum est, ne quis ante quadriennium citra
Christophori Plantini voluntatem, librum De Simplicibus
Medicamentis ex Occidentali India delatis, quo-
rum in Medicina usus est, &c. imprimat, aut alibi im-
pressum importet, venalemve habeat, intra omnes di-
visionis eius fines. qui secus faxit; confiscatione librorum, &
pœna fisco Regio exsoluenda, multabitur: ut latius patet
in ipso diplomate.

Subsig.

I. de VVitte.

3

GENEROSO, VIRTUTE
ET ERUDITIONE PRAE-
STANTI VIRO, DN. THOMAE
REDIGERO, DN. SVO PLURI-
MVM OBSERVANDO,
CAROLVS CLVSIVS.



DEO fecunda est omniparens
Natura, & ea humanae mentis im-
becillitas, Generose Redigere, vt
ab vno homine recoditissima eius
arcana erui non potuerint: sed alios
atque alios exoriri necesse fuerit,
qui ex eius latebroso sinu nonnulla proferrent à
nemine antea observata.

Hic, reliquis sublimius volans, de caelestium
orbium motu & astris acutissime differuit: alter,
oceanum profundum petens, de piscibus & reliquis
aquatilibus sagacissime disputauit: tertius, avium
& insectorum: quartus, quadrupedum & reliquo-
rum terrestrium animalium naturam edocuerunt:
alius, terrae penetralia recludens, lapidum, & alio-
rum quae sub terra inveniuntur, generationem: ple-
rique, plantarum varietate illecti, earum formas &
facultates (quibus subinde agri leuantur) in ho-
minum vsum describendas sumpserunt.

REI verò herbariae studium adeò immensum
est, vt absolutam Plantarum historiam nemo ha-
ctenus euulgarit, sed aliqui duntaxat ignotas nobis
antea plantas interdum in lucem proferunt.

Ex eorum numero est D. Nicolaus Monardis
Hispalensis Medicus, qui nuper aliquot plantas ex

A

2

Ame-

4
America & nouo orbe delatas, Hispanico sermone duobus libris descripsit.

PORRO (vt eo studio mirificè semper delectatus sum) eius vtrumque librum Latinum feci: sed quoniam pleraque in altero repetit, de quibus in priore egit, & medicamenta similia per vtrumque librum dispersa sunt, vt concinniore ordine singula distribui possent, de duobus vnum feci, annotationibusq; aliquot & iconibus auctiorem reddidi, in eorum gratiam, qui Hispanicae linguae ignari sunt, meam operam plerisque non ingratham fore ratus.

TIBI autem, Generose Redigere, nuncupavi, vt aliqua saltem animi gratitudine declararem, multis me modis obstrictissimum esse, ob luculenta in me collata beneficia, quorum memoria animo meo nunquam excidet.

ET cum Plantinus noster Aromatum historiã recudere vellet, eam auctiorem, & locupletioribus annotationibus, iconibusque insuper illustratam (quoniam eiusdem sunt argumenti) huic coniungendam tradidi.

Hoc igitur tenue meae obseruantiae testimonium boni consulas, & quo semper in me fuisti animo esse pergas. Vale, Machlinia, Idib. Septembr. M. D. LXXIII.

DE

5

D E

SIMPLICIBVS MEDICA-
MENTIS EX OCCIDENTALI
INDIA DELATIS, QVORVM IN ME-
DICINA VSVS EST.

Copal & Anime.



VO resinarum genera multum similia ex Hispania noua adferuntur, quorum vnum Copal vocatur, alterum Anime.

COPAL resina est admodum candida, & lucida, & transparens, magnis fragmentis, Diacitri valde transparentis haud dissimilibus, satis odorata, sed non perinde vt Anime. Ea Indi in suis sacrificiis suffumigij loco utebantur, eamq; ob causam Sacerdotibus in templis suis frequenti in usu, adeo, vt cum Hispani nostri primum eò appellerent, huiusmodi suffutibus naribus eorum admotis exciperentur.

VTILIS est ad frigidos capitis morbos, & Thuris, aut Anime vicem explet. Calida secundo gradu, humida primo. Resoluit ac emollit, ob partes quas habet aqueas.

ANIME arboris est lacryma seu resina, alba, ad Thuris colorem nonnihil vergens, verum Copali magis oleaginosa. Desertur granis Thuris, sed crassioribus, quæ confracta luteum colorem ostendunt instar resinae: gratissimi ac suauissimi est odoris, & prunis imposita, facile consumitur.

DIFFERT ab Anime Orientali, quod neque tam candidum, neque tam lucidum sit. Orientale item magnis fragmentis adfertur transparentibus, ita vt nonnulli Chirabe seu Succini speciem esse suspicati sint, quam Ambarum colliquatum nuncupant, è quo spherulae precariae tornantur, Ambarum colliquatum.

A 3 tur,

Charabe. &
eius natales.

tur, cum nihil sit minus: nam Charabe Bitumen est, cuius magna fragmenta hamis ferreis e mari Germanico eruantur, utpote quod e fontibus in ipso mari manat, Bituminis modo, atque aeri expositum, statim cogitur & densatur, ut conijcere licet ex bacillis, & aliis maris purgamentis, quae in fragmentis illis conspiciuntur. Vnde eorum error colligitur, qui Populi lacrymam aut Pini esse putarunt. Hermolaus Barbarus vir doctissimus, ait Animae Orientale colligi vicinis locis pago, in quo Thus nascitur, & ab illius pagi nomine, Animae vocari.

Succinum non
est lachryma.

Anime Ameri-
cum.

NOVAE Hispaniae Animae colligitur ex arboribus mediocris magnitudinis, per incisionem, Thuris aut Masticeis modo.

Anime facultates.

HUIUS usus est in plerisque, sed Capitis praesertim morbis, a frigidityte provenientibus, & defluxionibus purgationes subsequentibus, cubiculis per hyemem (etenim aërem purgat) & capitis operimentis, dormire sub noctem volentibus, suffitis, quinetiam ipso capite, si qui cephalaea & hemicrania laborant: nam caput roborat.

MISCETUR emplastris & Ceratis, ubi roborare, & frigidos humores, flatusque, resolvere opus est. Thuris vicem supplet, cum in suffitibus, tum in iam dictis. Cerebrum roborat, emplastri modo adhibitum, atque etiam ipsum ventriculum reliquasque partes nervosas, Cerati modo, tertia parte cere admista, atque sic gestatum diutius, & subinde renouatum, frigidityatem e quacunque corporis parte elicit. Calidus est secundo gradu, humida primo.

Xolochcopalli.
Copalcahuiei.

Gomara in Mexicana Historia duo Copalis genera facit; alterum rugosum, quod Xolochcopalli vocari dicit, molle, Thuri simile: alterum, multo praestantius, Copalcahuiei, quod plerique myrrham existimant. Vulnerata arbore guttatim stillat liquor albus, qui statim concrevit.

* Qui plura de Orientali Anima volet, legat nostras annotationes in cap. 8 lib. 1. Historiae Aromaticum. Nobilioris illius Orientalis Animae fragmento, quod aliquot uncias pendebat, donatus sum ante
bien-

TACAMAHACA.

biennium à doctissimo Hugone Morgano Pharmacopola Londi-
nensi

Refert Fragosus, in India Occidentali arborem inueniri Toçot-
gubut, id est, lignum desiderij seu exoptatum, dictam, Populo simi-
lem, summi candoris, cuius materies, ob candorem, leuorem, & splen-
dorem, summe expetebatur ad idola fabricanda. Sub cuius cortice
nascitur gummum seu Resina, Thuri nostro similis, sed candidior, &
minoribus fragmentis, quo illic vtuntur, vt nos Thure.

Tacamahaca.

DEFERTVR item ex Noua Hispania, aliud gum-
mi seu resine genus, ab Indis Tacamahaca vocatum, quod Tacamahaca.
nomen apud Hispanos retinuit. Colligitur vulnerata arbore,
magna vt Populus, admodum odorata, cuius fructus ruber
est, Pæonia seminis modo.

PLVRIMVS huius vsus est apud Indos, præsertim in
tumoribus omnibus: nam eos mirabiliter resoluit, maturat,
& tollit, vti etiam omnes dolores ab humoribus frigidis &
flatulentis prouenientes. Tacamahacæ facultates.

COLORE est Galbani (nec desunt qui idem esse pu-
tent) vnguibus albis, vti Ammoniacum, odore graui, atque
etiam sapore, ita vt prunis iniecta, & naribus admota, mu-
lieres vteri suffocatione laborantes ilico liberet. Umbilico em-
plastri modo imposita, vterum suo loco retinet: atque huius
vsus adeo mulieribus est familiaris, vt ab eis maxima ex
parte absumatur, quandoquidem efficacia experiantur eius
remedia, cum in vteri suffocationibus, tum in roborando
ventriculo. Nonnullæ delicatiores ambarum & moschum
addunt. Maximè utilis est, ad resoluendos & tollendos om-
nes dolores, ab humoribus frigidis & flatulentis prouenien-
tes, emplastri modo adhibita: Eiusdem est efficacia in tu-
moribus frigidis, quoniam eos resoluit, maturat, & absu-
mit ilico. Non liquefcit, sed ita tenaciter semper adheret, vt
auferri, nisi opere absoluto, non possit.

EXPERIMENTO comprobatum est, qualescun-

A 4

que

TACAMAHACA.

que defluxiones reprimere, linteo exceptam, & ad utramque aurem, aut eam ad quam fit defluxio, adpositam. Temporibus imposita cerati modo, defluxum in oculos, aliasq; faciei partes detinet. Dolorem dentium sedat, dentibus, etiam corruptis, imposita: atque si hac dens corruptus vstuletur, prohibet ne corruptio longius serpat. Pectori & humeris ut emplastrum imposita, dolores eorum finit.

Emplastrum
Stomachicum.

Ex ea, styracis tertia parte, & ambari momento, fit emplastrum stomacho longè utilissimum: siquidem eum roborat, appetitum ciet, concoctionem iuvat, & flatus discutit. Eodem modo cerebro imposita, eum roborat, & dolores aufert. Magna est efficacia, in doloribus coxendicis, & omni articulorum morbo, praesertim si ab humoribus frigidis aut mixtis proveniant: quoniam eius resolutio adstrictionis particeps est, qua de causa mirum in modum partes roborat.

SOLE, iuncturarum aut nervorum vulneribus imposita, ea curat: nam statim suppurat & spasmodum prohibet. ego tertiam partem cerae admisceo, quoniam facilius inducitur.

IN summa, adeo celebris est eius usus, ut plebs ad qualemcunque dolorem aliud remedium non norit, modò non sint inflammationes admodum calidae: sed & in his admodum utilis est, in morbi declinatione, ad discutendum qui supererat humorem. Calida est initio tertij gradus, multae adstrictionis particeps, & sicca in secundo.

Caraña.

Caraña.

Ex Continentis parte interiore, per Carthaginem & Nomen Dei, defertur resina colore Tacamahaca, sed splendidior, liquidior, ac densior, lingua Indica Caraña dicta, quod nomen etiam apud Hispanos retinuit, odore Tacamahaca, sed graviore. Pinguis est & oleaginosa, ideoq; tenax sine multa

multa adglutinatione & colliuatione. Medicamentum nouum est, quod decem annis elapsis primum huc illatum est.

E A vtuntur Indi in tumoribus & omnis generis doloribus. Ad eosdem morbos laudatur, quos Tacamahaca curare solet, & minore temporis spacio vires suas exerit: sic vt quos Tacamahaca non curarit, Caraña sanat. Exemplum vidimus in eo, qui ob humeri cruciatus, iam multo tempore brachium mouere non poterat, tametsi Tacamahaca vsus esset: sed postquam Caraña vtì cœpit, triduo sanitati restitutus est.

Caraña facultates.

M I R A est eius vis in iuncturarum doloribus: nam imposita, facile eos curat, modo nulla sit calidorum humorum influxio. Tumores inueteratos dissoluit, defluxiones humorum frigidorum aut mixtorum sistit: ad quosuis neruorum & cerebri dolores valde utilis: Vulneraq; recentia, neruorum præsertim & iuncturarum nullo alio admixto medicamento sanat. Defluxiones in oculos & alias partes reprimat, ad aures atque temporibus imposita. Excedit secundum caloris gradum. Colligitur vtì superiores, vulneratis arboribus.

S E D ex eadem Carthagine noui regni prouincia, allata ad nos est Caraña quedã purior, & Balsami modo limpida, superiore multò præstantior, vtilior, & odoratior.

Caraña purior

Oleum Cicinum.

G E L I S C O noue Hispanie prouincia, oleum seu liquor quidam adfertur, cui, oleum ficus infernalis Hispani nomen indiderunt, eo quòd ex arbore cum fructu, tum foliis simili Ricino, sed in maiorem altitudinem, ob soli vbertatem, excrecente, elicitur.

Oleum ficus infernalis.

E A D E M vero ratione hoc oleum Indi eliciunt, quam docuit Diosc. lib. 1. cap. 30. hoc est, contuso semine, deinde in aqua cocto, postremum oleo innatante cochlearibus excepto.

Oleorum eliciendorum ratio.

A 5

Hec

Hac eliciendorum oleorum ratio è seminibus & fructibus, Indis admodum familiaris est, quippe qui nullam expressionem norint: sed etiam hoc oleum eo modo quam expressione facilius elicitur.

Olei cicini
facultates.

MAGNIS viribus pollet istud oleum, veluti experientia, & multo eius vsu comprobatum est, cum in India, tum in his regionibus. Omnes morbos ab humoribus frigidis provenientes sanat: omnes tumores dissolvit, flatusq; discutit, presertim ventris, eamq; ob causam non modo in Anasarca vitale, sed in omnibus hydropisis generibus, si venter eo inungatur, & aliquot gutta vino aut alio liquore commodo excepta sorbeantur, etenim aqua euacuat, quod etiam minore noxa facit, clysteribus injectum. Ventriculum frigidis humoribus & flatibus liberat: & coli doloribus vitale, si partes affectæ eo inungantur, & aliquot guttula sumantur. Efficacius subuenit Ileii doloribus, vt experientia nos docuit. Dolores iuncturarum, modo à causa non admodum calida proueniant, tollit, humorem euacuando, si aliquot huius olei gutta pingui iure gallinæ dissoluta sumantur. Partes corporis contractas, si eo inungantur, curat, nervos emolliendo, & extendendo. Stomachum, vterum, & lienem obstructionibus liberat inunctione. Aluum puerorum emollit, illito toto ventre, atq; ventris animalia pellit, maximè si eius vna aut altera gutta è lacte aut iure pingui propinentur. Ad psoras & vlcera capitis manantia valet: prodest aurium doloribus, & omnibus cutis vitiis, varosq; mulieribus plerunque infestos illitu expurgat.

CALIDVM est initio tertij gradus, humidum secundo.

Rici-

RICINVS AMERICVS.



Hoc Ricini genus ego vidi, quod ante aliquot annos ex America adferri cœpit, vulgari paulo maius, cuius operimentum seu siliqua illa triangula quæ semina continet, tuberculis asperis non est obsita, vt in vulgari; sed leuis & cinerei coloris. Ipsum granum siue semen vulgari simile, nigrū tamen & nō maculosum vt illud, mirifica (vt aiunt) purgandi facultate præditum: nam etiam si dimidia tantum vnius grani pars sumatur, valenter superne & inferne purgare referebat qui mihi dabat, & Curcas istuc ab incolis vocari.

Et quandoquidem in ricini mentionem incidimus, videre memini, dum Hispanias peragrans, circa Malacam, & Calpen ad fretum Herculeum, aliisque maritimis Beticæ locis, Ricini plantas crassitudine humana, altitudine verò trium hominum, multis prægrandibus ramis brachiatas instar aliarum arborum: hi rami (multis enim annis durat arbor) tertio aut quarto quoque anno putari solent. Exactissime sane conueniebant Diosc. descriptioni. Refert etiam Bello-nius lib. 1. observat. cap. 18. magnas in Creta insula Ricini arbores se observasse. An vero his similis sit ea arbor quæ Curcas Americorum profert, plane ignoro, cum is qui inde fructum eum attulisset, arboris formam describere non posset, & eum siccum, qualem hic exhibeo, duntaxat viderim.

Bitu-

Bitumen.

Bitumen.

IN Cuba inueniuntur fontes in cetera litus maris, Bitumen nigrum manantes, veluti pice gravis odoris, quo Indi in morbis frigidis vtuntur. Hispanis ferunt picandis nautibus, quia pici nautali similis est, sed seum a liniscent, ut melius induci possit. Veterum Naphtham esse puto, cuius duos fontes Babylone inueniri Posidonius refert, albe & nigre.

Naphtha.

Bituminis facultates.

NOs eo Bitumine vtimur in vteri morbis, quod cum suffocatione liberet, naribus admodum, aut vulue indicium.

CALIDVM est in secundo gradu, & humidum in primo.

Ambarum.

Ambar griseū.

NUNC mittit nobis Florida noui orbis provincia Ambar quod vocant Griseum, idque in littus electum inuenitur à Canaual ad promontorium vsque D. Helena.

Ambar bitumen est.

VARIA est circa eius originem opinio: sed verissimum est, Bituminis genus esse ex fontibus in alto mari manans, quod aëri expositum, ilico densatur, ut solent pleraque, quae sub marinis aquis tenella & mollia sunt, at aqua exempta, durantur, ut Corallium, Succinum.

SOLVS Simeon Sethi & Aëtius inter Gracos eius meminere, è quibus prior, Bituminis modo è fontibus suis manare asserit, pessimumque id esse quod à piscibus deuoretur.

Ambar non est sperma Balenarum.

INDE conuellitur eorum opinio, qui Balenarum sperma esse asserunt, ex eo decepti, quod interdum in Balenarum ventriculis inueniatur, quae illud aquis innatans nonnunquam deuorant, alimentum esse existimantes.

VERVM est, meo tempore Balenam circa Canarias quas fortunatas insulas putant, captam, in qua inuenta sunt plus quam quatuor Ambari librae: postea tamen infinitas Balenas cum suis catulis interfecerunt, sed nihil Ambari in eis inuentum est.

NON

NON desunt qui Ambar ex fructu quodam ad maris littus nascente fieri dicant, qui Aprili & Maio mensibus maturefcit, & odoratus est, quem decidentem vorant Balenæ, quasi fructus in alimentum cedens, aliud quàm sanguinem & carnem generare possit.

OPTIMI delectus est, vt nonnihil ad rubedinē tendat, album non aequè bonum, nigrum deterrimum. Ambari delectus.

EXCALFACIT, resoluit, roborat, quocunque tandem modo applicetur: nam calidi est temperamenti & sicci, cum pinguedine quadam, quæ illi facultatem emolliendi tribuit.

VARIÆ sunt Ambari facultates: nam cum oleo florum mali Arantij siue Assyrij in calente mortario permixtum, & vnguenti modo capiti illitum, illius dolorem leuat, cerebrum roborat & neruos, & frigidos qui infarcti sunt humores resoluit: ad eadem efficax, emplastri modo cum Aipta muscata assiduè gestatum. Ambari facultates.

EIUS solius, aut cum moscho & ligno aloës permixtæ olfactu, cerebrum roboratur, memoria augetur, spiritus vigor & cordis vires reficiuntur: ideoq; in pestis contagiis eius odor adprime utilis est, nec minus his qui frigidis defluxionibus vexantur, conuenit, si capitis tegmina atque etiam cubiculum vbi dormiunt, per hiemem eo suffiantur.

MAXIME prodest senibus, quòd illorum spiritus vegetet, cor & cerebrum roborat, & crassos lentosq; humores quibus plurimùm abundant, extenuet, siue cibis indatur, siue vestes suffiantur, siue cerebro cordisq; regioni applicetur, siue vino, quo sibi faciē & manus abluūt, permisceatur.

SCOBI magnetis, galbanoq; miscetur, & emplastri modo mulierum vmbilico impositum, vterum suo loco retinet, & reliquos eius morbos profligat: eius autem assiduus odoratus prodest vteri procidentius, suffocationibus verò, in

Liquid-

Liquid-ambar dissolutum, & xylo exceptum, vteriꝑ, ori
inditum.

Catapotia pro
sterilibus.

STERILITATI à frigidis humeribus orta, hac cõ-
positione mederi soleo, quæ recipit Ambari partes duas, ra-
suræ eboris tenuissimè trita vnā, pulueris ligni aloës par-
tem dimidiā, cum algali momento fiunt catapotia, quo-
rum tria pendentia drachmam vnā singulis triduis dabun-
tur, & emplastrum vmbilico, pessum vteri colo imponetur,
purgatis tamen prius rti decet.

Emplastrum
ex ambaro.

Ex eo, alypta moschata, & styrace fit emplastrum scuti
forma, quod stomacho adpositum, cum doloribus liberat

Catapotia alia.

& excalfacit. Ex eadem massa factæ pilule, & mane sum-
ptæ, flatus discutiunt, concoctionem iuuant, & appetentiam
excitant, idem præstat ex vino odorifero mane sumpta
hæc massa.

TRITVM ambar & cera lutea exceptum, cordis re-
gioni vtilissimè imponitur, ad sedandos dolores à flatibus aut
alia quauis causa (modo calida non sit) prouenientes.

EADEM ratione qua senibus, melancholia laboranti-
bus etiam conuenit, & paralyticis, si eo aut eius mixtura
suffiantur, aut cerebrum, totaq; spina eo inungatur: etenim
Ambar præ cæteris medicamentis neruos & cerebrum ro-
borat. Quinetiam epilepticis sumus illius, naribus exceptus,
conuenit, siquidem eos excitat, & si assiduè id odorentur,
non tam faciliè, neque tam vehementer eo morbo corri-
piuntur.

Ambar ine-
briat.

ILLVD admiratione dignum, quod Simeon Sethi scri-
bit. Si quis Ambar odoretur antequam vinum bibat, eum
veluti ebrũ ferri, si verò iniciatur vino, maximè inebriare.

Liquid-ambar, & eius oleum.

RESINA quam Liquid-ambar, & oleosum quid-
dam, quod oleum de Liquid-ambar vocamus, ad nos ex
Hispa-

LIQVID-AMBAR, ET EIVS OLEVUM. 13

Hispania noua adferuntur, verumque odoratissimum, praesertim oleum, quod delicatioris & suauioris est odoris.

EST verò Liquid-ambar resina collecta per incisionem ex arboribus vaste magnitudinis, pulchris & ramosis, cuius folia hederaceis similia sunt, Ocoçol Inai vocat, cortice crasso, cinereo, qui incisus aut vulneratus crassum Liquid-ambar eiaculatur, cui cortex comminutus, odoris causa admiscetur, ut scilicet suauius & diutius spiret in suffitibus.

UBI nascuntur eiusmodi arbores, fragrantissimus est aeris odor, adeo ut Hispani primum eò appellentes, istic aromata nasci, atque adeo eas aromatiferas esse arbores existimarent.

TANTA quantitate in Hispaniam infertur Liquid-ambar, ut mercium vicem suppleat, vtribus & doliis eo impletis: eo etenim hic utimur in suffitibus, odoramentis, pastillis, Styracis liquida loco, cuius odor proximè ad hunc accedit: adeò autem validus est, ut celari, etiam suffitibus non additum, non possit, & totas aedes, si eius sit copia, atque adeò plateas suo odore impleat.

PLVRIMVS in medicina eius vsus est: nam calfacit, roborat, resoluit, & anodinum est. Cerebrum, per se illitum, aut aliis aromatibus admixtum, roborat, & doloribus liberat, omnigenosq; dolores à causa frigida, ut emplastrum impositum, mitigat. Ventriculo adprimè vtile, stomachici modo adhibitum: etenim ipsum roborat, concoctionem iuuat, digerit, concoquit, & appetentiam excitat.

CVM Styracis, Ambari, & Moschi momento mixtum emplastri consistentia, & scuti forma super alutam extensum, omnibus praedictis morbis maxime prodest, eiusq; emplastri ob insignes facultates in hac vrbe laus est. Calidum in fine secundi gradus, humidum in primo.

Ex eo recens collecto, & eo loco posito, ut per se tenuior eius

Oleum de Li-
quid-ambar.

eius substantia stillare possit, oleum quod de Liquid-ambar nuncupant, elicitur, multo perfectissimum, eoque longè suauius. Sunt qui expressione etiam eliciant, ut maiorem quantitatem colligant: nam chirothecis imbuendis plurimum absumitur.

Eius facultates.

VTILE est medicamentum ad plerosque morbos frigidos, nam calfacit, resoluit, & omnem tumorem emollit: itaque vteri tumoribus, obstructionibus prodest, mensesque prouocat. Calidum ferè in tertio excessu.

SCIENDVM tamen est, plerosque hoc ex India inferre non perinde bonum, quoniam è ramis eius arboris minutis & coctis, pinguedinem innatantem colligunt, venduntque pro legitimo.

EIVS arboris pampini & summitates in fasciculos collecti vestibus & stragulis, ab Indis inseruntur, odoris gratia, in eumque vsum, Hispanis etiam vendunt.

Balsamum.

Balsamum.

LAUDATISSIMVS ille liquor, qui, ob excellentes & mirabiles effectus, Balsamum, ad veri Balsami (quod in Aegypto nascebatur) imitationem, nuncupatur, in Hispania noua elicitur ex arbore Punica malo maiore, cuius folia vrtica similia, serrata & tenuia sunt, Indi Xilo [Gomara Zilo] vocant.

Balsami extrahendi duplex ratio.
Prior.
Alter.

FIT autem duobus modis. Vno, multis incisuris vulnerato arboris cortice, qui tenuis est, è quibus liquor emanat, tenax, subalbidus, excellentissimus & perfectissimus, sed adeo pauca quantitate, ut ad nos non inferatur. Altero, Indis admodum familiari, in eliciendis succis ex quauis arbore. Ramos atque etiam truncos arboris assulatim & minutim concisos, in lebetem amplissimum iniiciunt, multa desuper adfusa aqua: bulliunt omnia & feruent quantum satis esse putant, igne sublato frigescere sinunt, & conchiliis

oleum

oleum supernatans colligunt. Id verò est, quod in has regiones inuehitur, & quo vulgo vtimur, colore ex nigro rubente, odoris suauissimi. Vasculis argenteis, vitreis, stanneis, aut fictilibus vitratis asseruatur, aliam omnem materiem penetrans.

IN medicina huius vsus receptus est, non nuperrimè, sed statim eo serè tempore quo Hispania noua nobis patefacta est: nam cum Hispani Indos sua vulnera hoc succo glutinare animaduernerent, illos statim imitari cœperunt.

CVM primùm in Hispaniam illatum est, ob eius insignes facultates magna fuit, vt decet, æstimatione: eius vncia nunc viginti, nunc decem ducatis æstimabatur; at nunc temporis eius libra non pleris, quàm tribus aut quatuor ducatis æstimari solet. Romam primùm delatum, eius vncia centum ducatis veniit: postea, tanta eius quantitate illata, vilescere cœpit, & etiam gratis quodammodo dari, vt solet in rerum abundantia siue raritate plerumque contingere. Nam cum magno veniret, omnes eius virtutes admirabantur atque requirebant: postquam verò eius imminutum est precium, non æstimatur, cum tamen idem Balsamum sit quod fuit cum centum ducatis vncia venderetur.

ET sanè, licet nihil aliud nobis intulissent Indiæ, quàm hoc mirabile Balsamum, Hispanorum tamen labor in illis inuestigandis non inutilis existimandus est: etenim iam multis annis periit id Balsamum, quod in Aegypto nasci solebat, nec vsquam gentium amplius inuenitur: idcirco nobis Deus opt. max. eius loco Balsamum nouæ Hispaniæ dedit, quod meo iudicio inferius non est Aegyptiaco, si mirabiles eius effectus & vtilitates consideremus.

TRIFARIAM verò in medicum vsum recipitur: Balsami tri-
nam aut interius assumitur, aut exterius inducitur, aut me-
dicamentis: chirurgicis admiscetur.

plex vsus.

B

INTVS

Interius assum-
ptum.

INTVS assumptum mane ieiuno ventriculo, asthmaticis utile est, & vesicæ doloribus: menses etiam ciet, ut & pessimo modo subditum. Eius quatuor aut quinque guttule vino aut aqua rosacea in cochleari excepta & diluculo sensim in guttur instillata, sic ut linguam non contingant (nam Balsami sapor diutius in ore hærens forsitan nauseam etiam moueret) veteres stomachi dolores finiunt, cumque roborant, coloremque commendant & anhelitum. Iocinori prodest, obstructions aperit, atque iuuentam conseruat. Magna existimationis vir mihi probe notus, ab eius usu nullos dolores sensit, & tametsi senex, tam validus est, ut inuenis videatur. Phthisicos leuat, & sterilium vterum expurgat, pessimo modo adhibitum.

Foris additum

FORIS, calidum cum plumula illitum, omnes cruciatus ex humoribus frigidis provenientes tollit, præsertim si linteam Balsamo delibutum adponatur. Tumores œdematodes discutit & absunt: quamlibet corporis partem roborat. Capiti illitum, cerebrum reficit & fouet, omnemque humorem noxium absumendo, dolores tollit. Paralyticis succurrit, cerebro, ceruice, spina, & ea parte qua paralyti tentata est, inunctis: eadem ratione, ad omnes neruorum morbos & contractions utile est. Stomacho illitum, eum roborat, concoctionem inuat, & flatibus obstructionibusque liberat, sicuti & Lienem, quem etiam emollit. Nephritidem, nec non ventriculi dolores à causa frigida aut flatibus ortos, calidam loco dolenti impositum sedat: idem præstat pani calido inditum, sicque adpositum. Urinam ciet & expellit illitum. Summe laudatur in articulorum doloribus, præsertim coxendicem, quod omnem duritiem & tumorem residuum discutiat.

Chirurgicis
medicamentis
inditum.

CHEIRURGICIS remediis inditum, valde utile est: & quia molestum esset omnia enumerare, eius iudicio

ea

ea relinquo, qui eo utetur, ut id scilicet aliis medicamentis commisceat, quæ ad rem utilia esse iudicabit. Vulgare sanè admodum est eo in recentibus vulneribus uti; nam statim ea sine supparatione glutinat, quinetiam in his vrile, vbi contusio adglutinationem impedit; quòd statim digerat, & reliqua præstet quæ ad vulneris vsque glutinationem necessaria sunt, ut non abs re Pauperum cheirurgia censeripot: eaq; de causa pauca sunt in hac vrbe ades, in quibus non seruetur Balsamum. Nervorum, iuncturarumq; vulnera præ reliquis medicamentis ad cicatricem perducit, contractionemq; prohibet. Capitis vulnera curat, modò cranium illesum sit: sic etiam omnia recentia vulnera in qualibet corporis parte, modò sint simplicia. Antiqua vulnera, per se, aut cum alio vnguento impositum, mundificat, & ad cicatricem perducit. In diuturnis febribus, spina eo calente inuncta dimidia hora ante paroxysmum, & ilico quinque aut sex guttis eius in vino sumptis modo prædicto, horrores discutiantur, si ter aut quater id remedium repetatur.

GUSTV est acuto, & aliquantulum amaro: vnde colligere licet, adstrictionis particeps esse, calidum & siccum in secundo gradu.

NUNC ex noui orbis continenti magna quantitate Balsamum purius. inferri cœpit Balsamum per incisionem extractu ex arboribus iis similibus, quæ in noua Hispania nascuntur, vbi Balsamum decoctione colligitur. Sunt autem ea arbores vastæ magnitudinis, & ad radicem vsque ramosæ, duplici septæ cortice, altero crasso Subcrini modo, altero tenui, interno, materiem arboris amplectente. Ex eo quod inter virumque corticem est spacio, incisione Balsamum educitur, alba limpidissimaq; lacryma suauissimi odoris, qui insignes eius facultates statim prodit. Et certum est eius guttulam potiore esse, alterius quod decoctione extrahitur libra, Balsami arboris hispania.

tametsi miraculosos eius viderimus effectus.

Balsami fru-
ctus.

H V I V S fructus (qui penes me est) exiguus pro arboris magnitudine : etenim ciceris aut Pisi grano maior non est , amari gustus aliquantulum , inclusus extrema siliqua angusta, digitum longa, alba, & tenui. Ex fructu sese suffiunt Indi, ad capitis dolores & defluxiones.

Resina abiegna.

Resina Balsa-
mi facultari-
bus prædita.

I B I D E M etiam colligitur liquor siue resina, quam abiegnam vocat, ex arboribus spuris, quæ neque Pinus, neque Cupressi dici possunt, sed Pino altioribus, & Cupressi modo rectis. In harum arborum cacumine vesicula quedam enascuntur nunc magne, nunc parvæ, quibus confractis guttatim stillat liquor admirandus, quem Indi diligenter conchis excipiunt, sed tanto labore & molestia, ut multi viri exiguam admodum quantitatem singulis diebus cogant.

E I V S vsus est in omnibus ad quæ Balsamum conuenit: siquidem vulnera optimè curat, dolores ex materia frigida & flatulenta progenitos mitigat. Vtilis item est stomachi viriis ab humore frigido aut flatibus, sumpta ex modico vino albo, ut in Balsamo edocuiamus.

Resina Carthaginensis.

Resina Cartha-
ginensis, & eius
facultates

N V N C etiam nobis mittit Carthago noui orbis provincia resinam quandam purissimam & odoratissimam, abiegna aut Terebinthina Veneta multò præstantiorem, iisdem facultatibus seu maioribus præditam, quàm sit selectissima Terebinthina. Experientia docuit, vtiliter iniecti neruorum, articulorum, pedumq; vulneribus, & antiquis vlceribus: magno etiam commodo, ea elota & præparata matrone sibi faciem oblinunt.

Tabaco.

P L A N T A Tabaco antiquitus in vsu fuit Indis, Hispaniæ præsertim nouæ accolis, ad vulnera curanda. Paucos
ante

ante annos in Hispanias delata, magis ad ornandos hortos, quam ob eius facultates: nunc verò multò celebrior est ob facultates, quam propter elegantiam.

NOMEN legitimum apud Indos est Picielt: nam ^{Picielt.} Tabaco nomen ab Hispanis illi inditum, ab insula quadam ^{Tabaco.} eius nominis, ubi frequentissima nascitur.

MAGNA altitudine assurgit, & interdum malum ^{Tabaco histo-} Assyriam, quam Limonem vocat, aequat, caule recto, multis ^{ria.} prae grandibus ramis brachiato: folio mali Assyriae ferè, sed ampliore veluti Oxylapathi, colore viridi dilutiore, & aliquantulum hirsuto, uti tota planta est. Florem fert in summis ramis Campanulae modo, candidum, medio purpurascens, quo decedente succedunt veluti capitula papaveris nigri, quibus continetur semen valde exiguum, colore ex cinereo nigricante. Radix crassa est & multifida, & lignosa, intus crocea & amara, quae faciliè cortice suo delibratur: non intelleximus tamen aliqua facultate praeditam esse.

NASCITUR plerisque Indiae locis, humidis praeser- ^{Tabaco nata-} tim & umbratis, & ex culto leuig. solo. Seritur omni tem- ^{les.} pore: cum verò prodit, à frigore praeseruanda est, & secundum parietes plantanda ad eorum ornatum: siquidem toto anno viret, Citriorum modo.

FOLIORVM duntaxat est vsus (tametsi eorum defectu quidam semine utantur) eaq. ut asseruari possint, filo traiecta in umbra suspenduntur & siccantur; deinde iis, aut integris, aut in puluerem tritis, utuntur.

CALIDA & sicca est in secundo gradu: itaque calfacit, resoluit, mundificat & aliquantulum adstringit, ut ex sequentibus facultatibus iudicare licebit.

FOLIA huius plantae calefacta & imposita, praesens ^{Tabaco facul-} in Cephalaea & Hemisrania sunt remedium, si morbus ex ^{tates varia.} causa frigida aut flatibus ortus sit: saepius verò sunt repeten-

da donec morbus tollatur : sunt qui caput oleo florum mali
arantij prius inungant. Idem remedium rigidis cervicibus
sive Tetano vile est, & in totius corporis doloribus ab ea-
dem causa ortis.

DOLORES dentium à causa frigida non modo fiunt,
dente prius deterfo aliquo limbo eius succo delibuto, & pi-
lula ex eius folio confecta denti indita, sed etiam, ne corrup-
tio serpet, prohibet.

Serapium ex
Tabaco.

PECTORIS vitis, tussis veteri, asthmati, & simili-
bus ex frigido humore ortis morbis, foliorum decoctum ex
aqua, & eclegma ex eius decocto, vtilia sunt. Serapium ex
saccharo & foliorum eius decocto paratum, paucq; quan-
titate sumptum, putres humores pectoris eicit. Asthmaticis
interdum sumus eorum ore exceptus opitulatur : sed neces-
sarias evacuationes precedere opus est, si mora ferri possit.

SUB cineribus calefacta folia, & sordida non excusis
cineribus, calidaq; sepius imposita, ventriculo perfrictioni-
bus & flutibus laboranti auxilio sunt. Viridia folia alij ma-
nibus oleo inunctis confringunt, & sic imponunt. Ventriculi
& Lienis obstructionibus folia pauxillo aceto intrita, diuq;
illita vtilia sunt; quibus deinde folia calefacta, aut lineus
pannus succo foliorum calenti intinctus, superimponuntur.
Foliorum defectu, pulvis communi unguento obstructiones
aperiente excipitur, & pars obstructa, aut tumore affecta
diu inungitur.

Cruditatibus
ventriculi.

INDICA mulieres valde commendant in puerorum,
& etiam grandiorum stomachi cruditatibus : nam ventre
inferiore prius inuncto oleo lucernarum, & folis sub cine-
ribus calefactis, altero ventriculi regioni, altero tergori qua
ventriculum spectat, positis, eas concoquant, & alium e-
molliant, si quoties opus erit renoventur. Latas & teretes
ventris tineas expellit foliorum succus cum saccharo coctus,
&

& depuratus, pauca quantitate sumptus : vmbilico tamen etiam imponendum folium tritum, & alius deinde clystere eluendus.

NEPHRITICIS doloribus, folia sub cineribus, vt Nephritidi
antè, calefacta, & quàm calidè fieri potest adposita, ma-
gnum adferunt leuamen, idem remedium quoties opus erit
repetendo. Commodè etiam clysteribus iniiciuntur, atque e-
tiam fomentationibus, & emplastris admiscebuntur.

IN suffocationibus vteri, folia probè calefacta, & vni- Vteri suffoca-
bilico, vteriq; regioni imposita, præsens adferunt remedium: tioni.
quod si (vt fit interdum) animi deliquium subsequatur, fu-
mus illorum naribus obiciatur, ilico liberabitur: quod reme-
dium Indicis mulieribus adeò vulgare est, vt ea de causa
Tabaci folia diligenter adseruent & magni faciant. Sunt
verò qui odorata vmbilico prius admouent, deinde folium.
Maximè autem conferunt aut Tacamahaca, aut oleum de
Liquid-ambar, aut Balsamum, aut Caraña, aut ex his om-
nibus emplastrum constans, & in vmbilico assidue gestatū.

ARTICVLORVM doloribus (modò humores fri- Articulorum
gidi sint, vel saltem non nimium calidi) efficacissimè folia dolori.
calida adhibentur, aut eorum succo pannus lineus intinctus:
etenim humores resoluunt & digerunt, ideoq; etiam tumo-
ribus œdematodis foliorum succo calido prius elotis, vtilissi-
mè imponuntur.

PERNIONES sanare, si ter aut quater huius plan-
te foliis fricentur, deinde pedes & manus aqua calida cum
sale abluantur, experientia docuit.

VENENIS, & toxico perniciosissimo, quo Cannibales Tabaco alexi-
suas sagittas illinunt, resistere, paucis abhinc annis experti pharmacū est.
sunt nonnulli: nam antè, sublimatum vulneribus inspergere
solebant. Toxicici autem vires infringere hac ratione sciue-
runt Hispani.

Occasio expe-
riendi Tabaci
aduersus ve-
nena.

CONTIGIT vt quidam Cannibales in suis cymbis ad D. Ioannem de portu diuite nauigarent, Indorum, atque etiam Hispanorum (si quos reperissent) telis suis venenatis conficiendorum causa. Eo appellentes, Indos & nonnullos Hispanos conficiunt, plerosque autem vulnerant: cum verò sublimato carerent, a quodam Indo edocti sunt, vt Tabaci succum expressum suis vulneribus imponerent, & ipsa deinde folia trita: sedati sunt ilico dolores, & ea symptomata que huiusmodi venena subsequi solent, venenum superatū, vulnera deinde curata. Ex eo, foliis huius plantæ aduersus venena vti cœptum est. Rex ipse Catholicus, eius vires experiri volens, cani vulnus infligi iussit in gutture, & toxico, quo venatores vtuntur, illini, & paulo post foliorum Tabaci succum satis copiose instillari, & ipsa folia trita supra vulnus ligari: liberatus est canis non sine omnium admiratione.

Carbunculis.

EODEM modo venenatis pestiferisq; carbunculis imposita, crustas inducunt, deinde curationem adferunt: & ad ictus morsusq; virulentorum animalium præsens sunt remedium.

Recentibus
vulneribus.

RECENTIBVS vulneribus imposita, ilico sanguinem sistunt, eaq; glutinant: quod si maiuscula sint, vino prius eluentur, & labiis vulnerum coniunctis, succus foliorum inspergetur, & ipsa folia trita supra vulnus alligabuntur: postridie reliquisq; subsequentibus diebus idem ordo seruabitur, victusq; ratio necessaria.

Gangrænis.

VETERA vlcera, Gangrænasq; succus instillatus, & folia trita imposita detergent, curant, & ad cicatricem perducunt, purgato videlicet prius corpore ex medici consilio, & missione etiam sanguinis, si necessaria sit, facta: deinde obseruata que conuenit victus ratione.

Animalium
vulneribus.

PORRO non modò in hominibus eiusmodi vlcera curare, sed etiam in animalibus ipsa experientia docuit: nam
per

per vniuersam Indiam frequentia vlcera vaccas, boues, & alia animalia infestant, quæ facillè ob regionis humiditatem extremam putrescunt & vermibus scatent: quibus solebant inspergere sublimatum, melioribus remediis destituti: sed cum magno istic vaneat, plerunque quod vlceribus inspergebatur, pluri constabat, quàm animal quod curabatur, aestimari potuisset: Itaque Tabaci facultates in hominibus experti, illius etiam vsum ad putrida, fœtida, vermibusquæ scatentia animalium vlcera transtulerunt, atque adedò compererunt, succum eius instillatum, non modò vermes necare, sed etiam vlcera mundare, deinde ad cicatricem perducere: prodest etiam iumentorum exulcerationibus, ideoq; Indi Tabaci puluerem semper circumferunt.

Q V E N D A M noui narium vlcere laborantem, è quo Polypo. sanies manabat, non sine contagij suspitione: meo consilio instillauit foliorum Tabaci succum, à secunda instillatione multi vermes exciderunt, deinde pauciores, & post aliquot dies sanatū est vlcus, sed quæ erosa erant, non restituta. Illius etiam foliis impetigines, & capitis scabies vtiliter confriantur.

H Æ C est celebrata illa Indicis sacerdotibus planta, Tabaci fumus
qua vti solebant ad ressonsa danda. Etenim apud Indos mo- Indis frequēs.
ris erat Sacerdotes de bellorum euentu, aliisq; magni momenti negociis consulere. Consultus sacerdos, istius plantæ folia sicca vrebat, & eorum fumum tubulo seu cannula quadam in os excipiebat, deinde quasi in extasim quandam raptus, cadebat, omni motu priuatus; sicq; permanebat aliquandiu. Discussa eius fumi facultate, ad se redibat, referebatq; negocium cum demone contulisse, & ressonsa dabat ambigua, vt, vtcunque euentus succederent, illis facillè persuaderet, sic se prædixisse: eoq; modo barbaros illos homines miserè decipiebant.

CÆTERVM vulgus etiam Indorum enim fumum per os & nares recipit animi gratia, cum insomnia videre interdum, & extra se quasi rapi volunt, & etiam de suorum negotiorum euentu, ex insomniis quæ illis apparuerint, pronunciaturi.

Solanum fu-
giosum.

Anisum.
Raphanus.

AT non est recens, plantas quasdam inueniri, quæ man-
ducate, aut intro assumptæ, vanas species & imagines ob-
uersari faciant. Siquidem Diosc. cap. de Solano marico, seu
furioso, eius radicem drachmæ pondere ex vino potam, fa-
cere species vanas imaginesq; non inuicidas obuersari scri-
bit, sed duplicatum eius modum ad tres vsque dies, mentis
alienationem asferre, quadruplicatum interimere. Anisum
si quis dormiturus edat, somnia excitari iucunda & suauia:
contra Raphani esu, grauiæ & turbulentiæ. & sic de pleris-
que aliis.

Banque.

Opium.

GARCIAS ab orta refert Banque planta succum a-
liis admixtum, mentis alienationem facere, insomnia exci-
tare, & omni solitudine liberare, veluti etiam Opium, quod
Orientalibus Indis admodum familiare est.

SIC & nostri Indi, oneribus ferendis aut aliis labori-
bus defatigati, Tabaci fumum hauriunt, & ilico, quasi men-
te alienati, corruunt: excitati verò, refocillatos eo somno, &
vires recuperatas sentiunt. Eorum exemplum sequuti Ae-
thiopes pro mancipiis eo deducti, nimis frequenter eum hau-
riunt; quo sit ut eorum domini egregie eos castigent, & illo-
rum Tabaco exurant, quo illis animum auferant sepius illo
utendi.

Pilule famem
sumq; sedantes.

Vs vs est etiam Tabaci apud Indos, famis sitisq; se-
danda gratia hoc modo. Couchylia quedam cochlearum flu-
uiatilium vrant, deinde atterunt calcis modo; huius & fo-
liorum Tabaci equas partes sumunt, manduntq; donet ex
virisque massa quedam fiat, quam in pilulas piso maiores
con-

confingunt, atque in umbra siccant, & in usum reponunt. Facturi iter per desertum, ubi neque cibum, neque potum inuenturos se putant, eas pilulas secum deferunt, ex iis unam inter labrum inferius & dentes reponentes, eius liquorem assidue sorbent, ea absumpta, aliam reponunt, atque item aliam, donec peregrinationem absoluant, triduam interdum, aut quatruiduam; atque ea ratione toto eo tempore neque famem sibi molestam esse, neque sitim asserunt: cuius causam esse puto, quod sorbentes assidue pilulas illas, etiam humores pituitosos à cerebro eliciunt, qui deglutiti & in ventriculum demissi, naturalem eius calorem humectant, sed ab eo tandem absumuntur, aliorum ciborum defectu: ut in multis animalibus obseruare licet, quæ tota hieme in suis latibulis se continent sine alicuius alimenti copia, quia calor naturalis occupatus est in pinguedine absumenda, quam æstatis tempore collegerunt.

HÆC sunt quæ de celeberrima hac planta Tabaco, eiusque facultatibus colligere potui.

BRASILIANIS, à quibus semen primum in Lusitaniam delatum, hæc planta dicitur Petum, Galli, quod D. Ioannes Nicotius, Regius aliquando in Lusitania Orator, eius semen primus ad Reginam matrem detulerit, illiusque facultates docuerit, Nicotianam & Herbam Reginæ nominarunt. Alij, Herbam sanctam, ob insignes eius virtutes, nuncuparunt. Quietus lib. Historiæ xi. cap. v. in Hispaniola insula, ubi copiosè tum temporis nascebatur, Perebecenuc vocari tradit: mihi cum Hyoscyami nigri descriptione plurimum conuenire videtur.

Petum.

Nicotiana.

Herba Reginæ.

Herba sancta.

Perebecenuc.

EST verò ea planta trium aut quatuor cubitorum altitudine, interdum amplior, multis alis crassisque ramis concaua, folia numerosa, ampla, densa seu carnosæ, pingua, graui odore, feruido & acri gustu. Flos extremis ramis nascitur copiosus, ex albo purpurascens, oblongus & tubæ in modum concauus, extrema parte latus & pentagonus, cuius color frigoribus magis intendi solet. Huic succedunt siliquæ Bigitali ferè similes, semine plene ex ruffo nigricante, pusillo, Pauperis multo minore.

Petū historia.

EIVS duo sunt genera. Nam vntum amplo latoque est folio, interdum cubitali longitudine, pedaliue latitudine, sine pediculo, caulem amplectente. Id altius assurgit, & flos ordine per ramulorum longitudinem illi nascitur, dilutior aliquantulum. Alterum paulo minore

Petum genere
duo.

est

est folio, Solano, quod Bellam donam vulgò vocat, simili, sed acutior, longoque pediculo ramis inhaerens: flores huic veluti per umbellas nascuntur saturatiores aliquanto. Variusque radix ligulosa est & multifida.

FLORET calidioribus regionibus Iunio & Iulio, semen Septembri maturefcit (vidi in Lusitania tota hieme florentem) at hic à mense Augusto in hieme vsq; floret, & subinde semē profert, deinde primo gelu flaccescit, peritque tota; neque hieme asseruari potest nisi nouella admodum, idque difficulter.

Natales.

NASCITUR omni solo, & semel sata, semenque ad maturitatem perducens, seipsam deinde serit, nec opus habet alia satione. Si tamen ferenda erit Augusto aut Septembri id fiat, quoniam semen exiguum diutissime sub terra laet antequam germinet: & Martio aut Vere sata, primū Augusto germinat.

Facultates.

APUD nos diligenter colitur, non tam ornatus gratia, quam ob insignes facultates, praesertim à nobilibus quibusdam matronis rei herbariae studiosis, quae foliis eius recentibus, aut in umbra siccatis, & stillatio illorum liquore vitreis organis extracto, frequenter vtuntur ad vlcera antiqua, putrida, maligna, gangraenas, scabiem, imperigines, lichenes, oculorum nebulas, felici cum successu; multisque miseris rusticis auxilio sunt.

SUNT qui eius folia singulis diebus mane à ieiunis mandi iubent, vt podagra liberetur, quoniam multam pituitam in os atrahat, eamque in partes inferiores defluere prohibeat.

CAROLVS Stephanus in praedio rustico Gallico lib. 2. cap. 76. experientia comprobatum esse scribit, eius folia strumis vtiliter illini, eiusque stillatium liquorem asthmaticis auxilio esse. In summa, Pannacea quaedam est ad omnis generis morbos.

Petum tertium.

ALIVD eius genus, per omnia minus, folio rotundiore, nec hirsuto pinguius, licet succulento, flore minore, & per extremum rotundo, pallescete, ante viginti annos Europae innotuit, Dodon. Hyoscyamum luteum nuncupauit. Ad pleraque conferre etiam existimatur, verum superiore longè imbecillius.

Herba Ioannis Infantis.

Herba Ioannis Infantis.

HIC praetermittenda non videtur ea planta, quae vsi sunt ij qui Hispaniam notam nobis aperuerunt, in curandis vulneribus. Cuius vsum primus ostendit Indus quidam Hispani famulus, nomine Ioannis Infantis, à quo hac planta denominata est.

Alia historia.

EXIGVA est planta, foliis Oxalidis, aliquantulum villosis, siue hispida.

Facultates.

VIRIDIS premansa aut trita, vulneribusq; imposita, sanguinem sistit, eaq; conglutinat. Nervorum aliarumq; partium

partium vulnera digerit & mundat, & demum ad cicatricem perducit. Iisdē viribus pollet sicca in pollinem redacta.

Radices venenis aduersantes.

Ex Charcis prouincia Peruiana, radices quedam aduehuntur Iridis radicibus valde similes, sed minores, & ficulnei folij odore. Radix venenis resistens.

HISPANI Indias inhabitantes Contrayerua appellant, quasi dicas alexipharmacum, quoniam earum puluis ex albo vino sumptus, aduersus omne venenum, cuiuscunque tandem sit generis, presentissimum est remedium, (vno sublimato excepto, quod sola lactis potione extinguitur) vomitione illud reicere faciens, aut per sudores euacuans. Sed & amatoriz pocula, eo puluere hausto, reiciunt. Ventris etiam animalia pellit. Contrayerua.

GVSTATA radix, aromaticum quiddam sapit cum acrimonia coniunctum: quare calida videtur secundo gradu. Temperamentum.

Guayacan.

TRIA ex Occidentali India deferuntur hodie toto orbe celebratissima, quorum in Medicina facultates adeo insignes repertæ sunt, vt nunquam auditum sit, tam incurabiles morbos ullis aliis medicamentis sanatos fuisse; nempe, Lignum quod Guayacum vocant, Radix China, Sarcaparilla. De China, quæ à Lusitanis ex India Orientali adferri putatur, suo loco dicemus. Auspicabimur itaque à Guayaco, veluti primo medicamento ex Indis delato, & omnium optimo, vt ipsa experientia & multorum annorum vsu comprobatum est.

GVAYACAN, à nostris lignum Indicum dictum, Guayacan. abundanter nascitur in Insula S. Dominici, quæ fuit prima noui orbis ab Hispanis occupata: cuius vsus primum hac ratione nobis innotuit.

MAGNIS doloribus morbi Gallici (quem ab India Lues venerea. muliere

muliere nactus erat) Hispanus quidam torquebatur, eius famulus Indus, in ea provincia Medicum agens, aquam Guayaci illi propinauit, qua non solum magnis illis cruciatibus liberavit, sed pristinae sanitati eum restituit: eius exemplo, plurimi alij Hispani simili morbo infecti, curati sunt. Eius morbi cura Hispani statim divulgata est, ab iis qui ex ea insula redierunt, hinc per totam Hispaniam, & inde per universum orbem, quem hac scabies occuparat. Et certe in hoc morbo curando, nullum est medicamentum eo praestantius aut certius: nam si, ut decet, procedat curatio, & suo tempore ista aqua propinetur, certissimum est, ei morbo sanitatem perfectam adferri; nec recidivam eum pati qui tali morbo laborabat, modo in idem coenium non se pronoluat denud. Sicq; Deo visum est, ut unde manavit morbus, inde adferretur remedium: nam ex Occidentali India primum huc perlata est eius morbi origo, praesertim autem ex insula S. Dominici, ubi hic morbus adeo familiaris est, veluti nobis sunt papula seu morbilli, neque eius contagium magnopere quisquam reformidat. In hunc autem modum propagatum fertur.

Lues venera
Europam in-
vadit.

ANNO salutis humanae 1439. eo bello quod Neapoli gestum est à Rege Catholico adversus Galliae Regem Carolum cognomine magno Capite, Christophorus Columbus, ex prima illa profectione, quam novi orbis conquirendi causa susceperat, redit: & inuentis S. Dominici aliisque insulis, inde Neapolim (ubi tum Rex Catholicus erat pace cum Gallo facta) viros & mulieres deduxit. Commeantibus ultro citroq; exercitiis, Hispani primum cum Indicis mulieribus, & Indi cum Hispanis consuetudinem habuerunt: deinde in Italos & Germanos serpsit hoc malum, postremo etiam ad Gallos, & sic per universum orbem.

INITIO diversa nomina sortitum est. Hispani existi-
mantes

mantes à Gallis contagium venisse, morbum Gallicum nuncuparunt, Galli contra, Neapoli se consecutos esse putantes, Neapolitanum vocarunt, Germani, ex Hispanorum contubernio hanc scabiem ad se manasse videntes, Scabiem Hispanicam appellarunt, alij Serpiginem Indicam, eamq; verissimo nomine, cum inde prima sit huius mali origo. Inter primarios tamen eius aetatis Medicos, variae opiniones fuerunt de huius morbi causa & origine. Nonnulli ex cibis corruptis, succumq; melancholicum & adustum generantibus, quibus in summa rerum inopia exercitus vesci solet, quales sunt plantae siluestres, olera, radices, caro asinina, equina, originem sumpsisse existimabant. Alij siderum Saturni & Martis coniunctionibus acceptum ferebant; eamq; ob causam varia nomina indiderunt: uti Lepra, Lichenum, Mentagra, Sphaceli, Elephantiasis: & cum certam morbi qualitatem assequi non possent (nouum morbum esse ignorantes) ad praedictorum morborum à veteribus descriptorum genus aliquod reducere conabantur.

Morbus Gallicus.
Morbus Neapolitanus.
Scabies Hispanica.
Serpigo Indica.
Medicorum disceptatio de origine morbi Gallici.

CÆTERVM ut ad institutum reuertamur, Guayacan nomen est Indicum, sed per vniuersum orbem cognitum, tametsi etiam à nonnullis Lignum Indicum nuncupetur.

Guayacan.
Lignum Indicum.

DE hoc ligno multi multa scripsere, aut Ebenum esse dicentes, aut Buxi speciem, aut alijs nominibus appellantes. Sed ut nouum arboris genus est, nec in his regionibus, aut vllis alijs toto orbe Veteribus descripto confectum, sed in nuper inuentis solummodo: sic nobis noua erit arbor: ut ut sit, magna est arbor, Illicis magnitudine, ramosa, matrice magna, nigricante, materie quam Ebenum duriore: cortice crasso, gummoso seu pingui; & cum siccum est lignum, facile decidente: folijs exiguis & duris, flore luteo, quem subsequitur fructus rotundus, solidus, semina in se continens

Guayacan historia.

Messilis

Messili modo. Frequens in insula sancti Dominici.

Guayacan ge-
nus alterum.

ALIUD eius genus in insula S. Ioannis de portu diu-
te, huic vicina, postea repertum est, superiori fere simile, sed
minus omnino, & propemodum sine matrice, odoratus &
amarius superiore, quo relicto, huius nunc vsus est; & ob
mirandos effectus Lignum sanctum nuncupatur, nec
abs re, quandoquidem (ipsa experientia teste) altero præ-
stantius est: attamen utriusque facultates sunt insignes in
curando morbo Gallico, atque aded utriusque coniunctim
aut separatim propinatur aqua, cum ad morbum iam di-
ctum, tum ad alios plerosq, hac ratione.

Lignum san-
ctum.

Guayaci deco-
ctum.

LIGNI minutim concisi, aut eius scobis vncie duode-
cim, corticis eiusdem ligni contusi vncie duæ in tribus aquæ
sextariis macerantur fictili nouo aliquantulum capaciore,
viginti quatuor horarum spacio: fictili bene obturato, lento
& luculento igne coquantur, ad duorum aquæ sextariorum
consumptionem. quod inde colligi poterit, si, dum primum
aquæ sextarium infundis, bacillo aquæ altitudinem metia-
ris. Cocta aqua refrigeratur, colitur, & fictili nouo asserva-
tur. Statim supra idem lignum, quod decoctum fuit, inj-
ciantur denuo quatuor alij aquæ sextarij, coquanturq, ad
vnius consumptionem: coletur hæc aqua, & seorsim adser-
uetur. Sumitur autem hoc modo.

Decocti vsus.

INFIRMVS, purgato corpore ex medici consilio, cu-
biculum deligit aprium, quo neque frigus neque aer pene-
trare potest. Lectum ingressus, diluculo, aquæ prioris calidæ
vncias decem sumat, & egregie operiatur vt sudare possit
duarum horarum spacio: deinde sudore absterfo, indusium
calefactum induat, atque linteamina mutet: quatuor deim-
de post horis, passæ illi dabuntur & amygdala, panisq, bis-
coctus, neque affluenter, neque parcè; & de aqua secunda
bibet quantum satis erit, etiam interdum. Octo horis postquã
come-

comederit, ex priore aqua calente denuo uncias decem hauriet, sudabit itē duabus horis, & à sudore, uti superius, mundabitur: una post sudorem hora, de iisdem passis, amygdalis, & pane biscocto cœnabit, & ex aqua secunda bibet. Seruabitur hic ordo quindecim diebus prioribus, nisi vires nimium collabantur, quia eo casu, etiam præter supradicta, pullus gallinaceus assus ei concedetur. In minus robustis, qui extremam illam victus rationem ferre non possunt, nouem dies sufficient, quibus elapsis, pullus exiguus assus similiter concedetur. Si verò ager adedò tenui est valetudine, ut prædictam istam victus rationem nullo modo ferre possit, ab initio pullus gallinaceus exiguus illi dabitur, cibi quantitatem sensim augendo. Elapsis quindecim diebus, decimo sexto purgabitur decem drachmis pulpæ cassiæ fistulæ per cribrum transmissæ, aut alio simili medicamento, & eo die tenuiorem aquam, siue secundæ decoctionis bibet. Decimo septimo die ad priorem ordinem redibit, sumetq; mane & vespere aquam prioris decoctionis, sudabit, eademq; victus ratione vtetur, nisi quod pulli loco, dimidiam gallinam assam edere poterit, & sub finem dietæ, aliquantulum plus, eamq; victus rationem in vigesimum vsque diem producet, quo tempore per cubiculum vestitus, & bene amictus deambulare poterit. Quibus elapsis denuo purgabitur, & per alios quadraginta dies aquam bibet, selectissimam victus rationem obseruando in rebus non naturalibus, mulieribus abstinendo, & vino, cuius loco simplicem eiusdem ligni aquam, aut, si eam fastidiet, aquam in qua anisum & sceniculum decocta sint, bibet, eritq; cæna sobria, & sine carnibus.

HÆC est optima sumendæ aquæ Guayaci ratio, qua multi desperati morbi curantur: atque ea aqua non est præstantius vllum remedium ad curandam luem veneream, cuiuscunque tandem sit generis: radicitus enim eā extirpat.

C

CON-

Guayaci facultates.

CONVENIT item hydropicis, asthmaticis, epilepticis, morbis vesicæ & renum, doloribus iuncturarum, omnibus morbis ab humoribus frigidis & flatibus procedentibus, & diuturnis, quibus inutilia fuerunt ordinaria medicamenta, præsertim si morbum gallicum subsequantur.

Guayaci serapium.

PLERIQUE hoc ligno varia medicamenta faciunt, & inter illa serapium, quod sanè admodum efficax est: at meo iudicio huius ligni usum nemo utiliore experietur, quam superius descripta ratione, sine ullius alterius medicamenti admixtione. Dentes etiam confirmat, & dealbat, si sæpius ea ea colluantur. Calidum & siccum est in secundo gradu.

Hyuourahé.

NON incommode huc referenda videtur arbor, cuius Theuetus lib. Singularium cap. 10. meminit, Brasiliensis *Hyuourahé*, id est, res rara nuncupata.

Hyuourahé historia.

ARBOR est procera, cortice externa parte argenteo, interna subrubro, & cum recens à ligno detrahatur, lacteum humorem reludante, gustu salis, sed ad glycyrrhizæ saporem accedente: fructum fert pino mediocris magnitudinis æqualem, auri purissimi colore, nucleum continentem exiguum, sed suauem admodum & tenellum, ægrisque valde expetitur. Illud verò propè incredibile, quod ait alternis solummodo quindecim annis fructiferam esse, & eum qui arborem demonstrabat, ter aut quater duntaxat fructum in vita edisse.

Hyuourahé cortex Guayacan vices supplet
Præparandi & utendi ratio.

MIRA facultate præditus est eius arboris cortex, & Guayaco non inferior putatur, ideoque à Christianis istæ degentibus eius loco usurpatur.

EIVS verò utendi ratio hæc est. Corticis minutim concisi certa quantitas in aqua decoquitur, trium aut quatuor horarum spacio, donec vini rubri dilutionis seu clareti colorem contrahat. Ex eo decocto bibunt per quindecim aut viginti continuos dies, observata leui diætâ, luisque veneræ doloribus ita liberantur. Verum non modo utile est hoc decoctum in morbo gallico, sed etiam in reliquis frigidis, pituitosisque: nam humores extenuat & exsiccat, nec iniucundum est palato.

China.

China Occidentalis.

NEMO miretur, si dixerò ex Occidentali India Chinam deferri, quandoquidem vulgo Lusitani ex Orientali India eam adferant. Nam cum ex Hispania nova & Peru

Vir

Vir illustris Dominus Franciscus de Mendocã rediit, magnam quandam radicem & alias paruulas mihi ostendebat, & percontabatur an eas nosssem: Chinæ radices esse, sed admodum recentes & integras respondebam: tum ille, Sane recentes sunt, nam ipse eas in Hispania noua collegi, nec mireris istic Chinam nasci, siquidem breui videbis etiam inde Aromatum abundantiam deferri. Id facile mihi persuasit, postquam vidi cum Rege conuenire de Aromatum copia in Hispanias inducenda, quæ iam ipse in Hispania noua serere & colere cepisset. Vidi Gingiberis atque Chinæ radices recentissimas inde delatas.

EST autem China, Arundinis maioris radici similis, Chinæ historia nodosa, intus alba, interdum rubescens, foris rubra, Optima est recens, ponderosa, solida, pinguis, non cariota, sapore insipida.

NASCITUR in China, Orientalis Indiæ prouincia, Chinæ natales, Schytia atque Sericanie finitima, maritimis locis, arundinis aut vluæ palustris modo.

SOLIVS radicis est vsus apud Indos, ad curandos Chinæ vsus apud Indos. difficiles morbos, apud quos magno in precio est. Propinatur eius aqua in diuturnis & acutis morbis, febribus præsertim, etenim sudores prouocat, cuius rei gratia multi sanantur. Triginta sunt circiter anni, quod Lusitani primum in has regiones eam intulerint, præclara de eius facultatibus prædicatores adducunt omnis generis morbos, sed maximè Lucm veneream, in qua mirabiles effectus præstitit. Eius autem paranda hæc est ratio.

RADICIS Chinæ minutim concisæ vncia fictili nouo Preparanda Chinæ ratio. imponitur, huic adfundentur aquæ tres sextarij, maceratur viginti horarum spacio: fictili obturato, coquitur lento igne ex prunis incensis ad dimidias, quod ea ratione deprehendatur quam in Guayaco edocui, frigescit, colatur, atque in

ficili nouo asseruatur loco aprico, aut iuxta ignem, vt diutius maneat incorrupta.

Aqua Chinæ
sumenda modus.

PURGATO, vt decet, corpore, Collocatus ager loco aprico, & conueniente, ieiunus dictæ aquæ calidæ decem vncias sumet, duas horas aut paulo diutius sudabit: sudore deinde absterso, indusium & lintheamina, mundis, & calefactis mutabit, deinde in lectulo duas aut tres horas perdurabit, postea vestitus, calidè se in cubiculo continebit, quo neque aer neque frigus permeabit, genio indulgens & lepidis colloquiis se oblectans. Circiter vndecimam, dimidium pullum coctum, aut gallinæ quartam partem cum paucis sale edet, initio prandij cyatho iusculi epoto: pro bellariis carnes cotoneorum adponantur: potus erit similis aqua, quā ieiunus sumpsit, quia decocti tantummodo vnum genus est. A sumpto iusculo, vvas arillis emundatas, aut pruna passa sine ossiculis, & panis bene cocti crusta, biscoctumue initio prandij edere poterit. Si interdum bibere volet, eadem aqua cum conserua aliqua propinetur. Octo post prandium horis lectum denuo ingrediatur, alias decem aquæ vncias quam calidè poterit bibat, duas horas sudet, sudore detergo, indusium & linthea calefacta mutet, post horam cœnet conseruam aliquam, aut vvas passas, aut amygdala, & aliquantulum biscocti: de eadem aqua bibat, postremo cotoneorum carne vescatur, potu deinde abstineat. Hæc victus ratio triginta continuis diebus obseruanda, nulla alia purgatione adhibita, sed per cubiculum calidum obambulans & sese oblectans, ab omnibus abstineat quæ illum offendere possunt. Purgatione absoluta, bona victus ratio seruanda est, quadraginta continuis diebus, vineq; abstinentiū & mulieribus: potus erit Chinæ superioris, decoctæ & exiccatae in umbra, vncia una, in tribus aquæ sextariis denuo bullita ad dimidias.

AD

AD varij generis morbos utilis est hæc aqua, luem veneream cuiuscunque generis, vulnera & vlcera antiqua, tumores schirrhosos discutiens, articulorum dolorem soluens, & qualemcunque podagram, sed coxendices præsertim curans. Inueteratos capitis dolores mitigat, & stomachi: defluxiones omnes & Rheumatismos sistit, bonum colorem conciliat, icterum soluit, & omnem hepatis intemperiem emendat, ad quam valde celebratur. Paralyfin & omnes neruorum morbos sanat, atque vesicæ: enterocelis utilis, quia humorem vnde generantur absumit: frigidis omnibus morbis & melancholicis conuenit, ventriculum roborat, & omnes flatus discutit. Febris diuturnis, quotidianis & erraticis prodest, sudoris insigni prouocatione, quæ etiam in pestilentibus febribus vtilem quidam arbitrantur.

Chinæ facultates.

SICC A est in secundo gradu cum exiguo calore, idque deprehendere licet ex eo, quod aqua, cum Guayaci, tum Çarçæ-parilla, calfacit, & sitim excitat, hæc neque sitim ciet, neque caloris alicuius indicium relinquit. Nobile proculdubio medicamentum, quod in prædictis morbis admodum efficax expertus sum.

Chinæ temperamentum.

DE China Orientali, quæ sanè aliter describitur à Garcia lib. 1. cap. 38. qui plura vult, cõsulat eius Aromaticum historiam, quam ante aliquot annos Latinam fecimus.

Çarçæ-parilla.

POST Chinam, Çarçæ-parilla, cuius vsus huic vrbi primum abhinc circiter viginti annis innotescere capit, ex Hispania noua huc translata est, quoniam ea Indis præstanti medicamento erat, ad multos variosque morbos.

Çarçæ-parilla ex Hispania noua.

PLANTA multis radicibus nitens, duos cubitos aut eo amplius longis colore cinereo dilutiore, quæ interdum tam altè demittuntur, vt qui integras eruere vult, ei profunda fossione opus sit: ramis nodosis & lignosis, qui facile desiccantur: floresne aut fructum proferat ignoramus.

Çarçæ-parillæ historia.

Carça-parilla
ex Honduras.

ILLA multo meliorem & efficaciorē nobis deinde protulit prouincia Honduras, à superiore differens, quod illa candidior est, ad pallorem tendens, & gracilior, hac verò cinerea, nigrior, atque crassior.

Carçæ dele-
ctus.

DELIGITVR nigrior, recens, non cariōsa, fractu contumax, quæq; assulatim frangitur, & ponderosa: nam quæ cariē sensit, & dum frangitur puluerulenta est, inutilis existimatur.

Nominis oc-
casio.

CVM eam Hispani primum viderunt, Carça-parillæ nomen indiderunt, propter cognationem, quam cum nostra Carça-parilla (quæ similax aspera est) habet. Certē nostratē expertus sum simili facultate præditam, cū ea quæ ex Hispania noua adfertur, ad quam magis accedit quam ad eam quæ in Honduras inuenitur. Gustu insipido est, & sine acrimonia, nec eius aqua hordeacea sapidior est.

LONGE alia erat eius vtendæ ratio cum primam in medicinam recepta est, quam nunc est: tum enim Indorum consuetudo obseruabatur, quam in suis morbis curandis vsurpare solent, ad quos profligandos maximæ reperiēbatur efficaciæ. Verūm nostri sæculi deliciæ in causa fuerunt, vt eodem, quo Guayaci aqua modo nunc propinetur.

Carçæ præpa-
randæ apud
Indos ratio.

CARÇÆ-PARILLÆ selibra minutim concisa aqua macerabatur, deinde in mortario diu tundeatur, donec omnino in mucaginē quandam resolveretur, quam deinde colabant, & exprimebant. Huius liquoris ita expressi satis capacem cyathum calidum mane hauriebant, deinde stragulis sese tegebant, & duarum horarum spacio sudabant. Quod si interdum sitis eos vrgeret, idem mucor illis potus erat. Sub noctem, alium eius calentis cyathum hauriebant, atque tantundem temporis, vt manē, sudabant. Hic ordo triiduo integro obseruabatur, vt neque aliud ederent aut biberent, præter eum lentorem calidū expressæ Carçæ-parillæ.

parilla. Ea ratione preparatam ego initio plerumque propinaui, multosq; melius curavi, quam nunc sanantur. Subsequuta est alia eius propinande ratio, videlicet.

D V Æ vncie Çarçeparilla, lota, confracta & minutim concise, in nouum fictile cum tribus aquæ sextariis iniiciuntur, & vigintiquatuor horarum spacio macerantur: obturato fictili, coquuntur lento igne, è prunis incenso, ad duorum sextariorum consumptionē, eadē ratione vt in Guayaco diximus: refrigerantur, colantur, & fictili vitrato reconduntur. Eadem deinde çarça illo ipso fictili aqua pleno maceratur, aliquantulum seruēt, frigida colatur, & fictili vitrato asseruatur.

Çarçæ parilla
altera ratio.

P V R G A T V S, vt decet æger, & calido cubiculo se continens, mane decem vncias prioris Çarçæ-parilla aquæ hauriet, sudabit duas horas, sudore deterso, indusium & lintamina mutabit, vt in Guayaci portione dictum est. Idem sub noctem, octo post prandium horis (nam sub vndecimam prandeat) faciet: post sudorem vuas passas, amygdala, & panem biscoctum cœnabit, & de secunda aqua bibet. Quindecim diebus hunc ordinem obseruabit, nisi inbecilla fuerint vires, tunc enim conceditur vsus carniū exigui pulli assi, sensim quantitatem augendo. Lecto se continebit ad minimum nouem diebus prioribus, reliquis in cubiculo sedebit, aut deambulabit, frigus & aërem fugiens. Decimoquinto purgabitur leni aliquo medicamento, atque etiam trigesimo die, omnia ea obseruando quæ in Guayaci decocto sumendo enarrauimus. Sed etiam post trigesimum diem bona victus ratione, per quadraginta dies, vtetur, vinoq; abstinebit & mulierum congressu. Hæc est vulgaris aquæ Çarçæ-parilla sumenderatio, cuius preparande modos secretiores etiam expertus sum, quos hic recensere non pigebit, ne quid eorum prætermittamus, quæ ad Çarçam-parillam pertinet, quan-

vtendæ mo-
dus.

doquidem medicamentum est, cuius vsus & facultates maximè celebrantur.

I AM annus est quintusdecimus, quod Syrupum confeci, non modo in hac vrbe, sed tota Hispania laudatissimum, ad morbum Gallicum, atque alios profligandos: nam neque calfacit, neque inflamat, Guayaci videlicet siccitate temperata, & Carcæ-parilla calore mitigato: hoc modo.

Carcæ Syrupus prior.

CARCÆ-PARILLÆ vnciæ duæ, Guayaci quatuor, vt supra dictum est, præparata, Zizipha octodecim, pruna passa vigintiquatuor, vtraque ossiculis repurgata, florum Borruginis semuncia, violarum tantundem, hordei mundi aliquot grana, in tribus aquæ sextariis lento igne coquuntur ad duorum sextariorum consumptionem, colantur, & decem huius decocti vnciis, vna sirupi violati admiscetur. Calidus mane & vesperi sorbendus datur, eodem seruato ordine, qui supra dictus est, sudorem etiam (si prouocabitur) detergendo. Conceditur ab initio esus pulli Gallinacei exigui, & reliqui cibi supra enumerati, & bibitur simplex aqua Carcæ-parillæ, quæ fit ex eius semuncia in quatuor aquæ sextariis cocta, ad vnius consumptionem. Ea ratione curantur cum omne genus morbi gallici, tū reliqui, quos aqua Guayaci, China, aut Carcæparilla curari diximus.

Vtendi ratio.

Carcæ aqua simplex.

Carcæ Syrupus alter.

F I T item alius Syrupus huiusmodi. Carcæ-parillæ octo vnciæ constractæ & concisæ, in quatuor aquæ sextariis ad trium consumptionem coquuntur, in eo qui supererit sextario, sacchari libræ quatuor iniiciuntur, fitq; Syrupus, vt moris est. Eius Syrupi tres vnciæ mane, totidem nocte sumuntur, prandium esto è cibis boni succi, cæna sobria, potus è simplici Carcæ-parillæ aqua. Eo vtatur donec absumptus sit, quo tempore ad sua negocia peragēda egredi non vetabitur. Curat hic Syrupus plerisque ex morbis supra enumeratis, sine molestia.

E x

Ex ea etiam fit puluis in hunc modum. Nervo ille interiore seu matrice Çarçeparilla exempto, eam exsiccant, contundunt, & cribrant. Huius pulueris (purgato prius corpore) drachmam mane ieiunus sumit, atque simplicem prædictam aquam haurit, idem noctu facit dormiturus. Cibus fit boni succi, potus illa aqua simplex, vino abstineat. Vtilis est hic puluis in lue venerea, aliisque morbis ab ea oriundis: nec non scabiem purulentam & saniosam, in manibus & pedibus mirifice sanat, hac ratione.

Çarçæ puluis.

PURGATIVS æger, etiam (si necestas urgeat) non purgatus, puluerem modo prædicto sumet, & scabiei, sublimati aquam rosacea simpliciore dilutam, plumula illinet, deinde emplastrum conueniens panno sericeo extensum, omnibus locis, quibus illita fuerit sublimati aqua, inducet. Singulis diebus repetetur, & quindecim dierum spacio perfectissime curabitur, ita ut aliis medicamentis non opus sit: abstergit enim, carnem generat, & ad cicatricem perducit.

Pulueris vton-
di ratio.

HODIE tam frequens est aqua Çarçæ-parilla vsus modo prædicto, ut in omni morborum genere sumatur, siue in defluxionibus, flatibus, vteri que morbis frigidis, siue aliis quibuscunque, modo non sint acuti, aut iis febris accesserit: ideoque non minore copia multis locis asseruatur decoctum simplex Çarçeparilla, quam aqua vulgaris. Certum est tamen, iis qui calida, hepatis præsertim, intemperie laborant, non conuenire: nimium etenim eos excalfacit: sed ventriculos frigidos fouet, & flatus mirifice discutit. Illud autem animaduertendum est, has tres aquas non nisi Autumno, aut Vere propinandas esse. Calida est & sicca in secundo ferè gradu.

Çarçæ aquæ
vsus frequens.

Quibus non
conuenit huius
aquæ vsus.

NUNC ex prouincia Quito cœpit inferri Çarçæ-parilla, copiose nascens vicinis vrbi Guayaquil locis, ad flumen eiusdem nominis maximum, quod ex montibus Peruanis

Çarçæ-parilla
ex Guayaquil
Guayaquil fl.

C 5 origi-

Guancauilcas. originem sumens, ab Oriente in Occidentem vergit, & in Oceanum (quem del Sur vocant) circa Portum veterem labitur: Guancauilcas vocantur eius regionis incolae, & edentuli sunt, quoniam pro more habent ut sibi dentes eximant, quos suis idolis offerant, dicentes optima quaeque eis offerri debere, hominem autem nihil præstātius, nihil magis necessarium dentibus habere.

Guayaquil fl. aqua salubris.

Eius fluminis aqua admodum salubris, & multos morbos curare dicitur, eamque ob causam, plusquam sexcentis miliaribus ad eam concurritur ab Indis & ab Hispanis, qui multoties ea aqua se abluendo, & magnam eius quantitatem sepius hauriendo mane, plurimum urinae excernunt, & valde sudant, & consequenter morbis liberantur, eodem ferè modo eius aqua utentes, sicuti in balneis Lucēsis, Puteolanis, & fonte illo celebri apud Leodios fieri solet.

Carça Guayaquilanae historia.

Sunt qui putent ab huius fluminis aqua Carçam-parillam facultates suas mutuari. Ea est colore ex cinereo nigricante, maioribusque & crassioribus radicibus constat, quam ea quae ex Honduras adfertur, atque interdum tam longis, ut altitudine humana fodiendum sit, ante quam crui possint.

Carça exhibenda prior ratio.

DUPLEX verò eius exhibenda ratio apud eos observatur. Carça-parilla radices, quot opus erit, sumētes neruo illo interiore repurgant, corticem eū, si siccae sint radices, macerant, donec mollescat (virides maceratione non egent) deinde minutim concidunt, & addita aqua contundunt, ut succus extrahi possit viscidus & mucosus, cuius mane eam quantitatem sumunt, quam vno haustu aut pluribus bibere possunt, lectum deinde ingressi, plurimum sudant, postea mutatis linteis, pullum edunt, & corticis illius succum hauriunt, in prandio, in coena (quae levis erit) atque interdum: deligendus est tamen locus ab aëre & frigore liber.

liber. Hac ratione, & usu conseruari, necessariosq; aliquot fructuum sic atorum permissio, octo aut nouem dierum spacio, omnibus morbis liberantur, quos Çarça-parilla curare solet: validum autem & robustis viribus eum esse oportet, qui hac curatione utitur.

ALTERA iis conueniet, qui imbecilliores sunt, nec superiorem, sine manifesto vitæ discrimine, ferre possent. Çarça-parilla neruo suo liberata, & ut superius, macerata, si sicca sit, deinde contusa, quatuor vnciæ, pluresve aut pauciores (nam hic nullus ponderis aut mensuræ usus) in quatuor aque sextariis ad dimidias decoquuntur, ex ea aqua, quantum possunt semel aut pluries bibunt, in lectulo deinde se componunt, ad sudorem prouocandum, qui tametsi adeo rehemens non sit, ut superior, copiosus tamen est: mutata veste, pullum edunt, & eadem aqua (nam vno die coctura absuntur) cum in prandio, tum in cana illis potus est: ab aëre & frigore sibi cauent: repetitum per quindecim aut viginti dies hoc medicamentum, omnes morbos sanat, non sine magna omnium admiratione, præter febrem, aut morbos acutos, in quibus Çarçe decoctum exhiberi non solet. Istic neque initio dietæ, neque in media, neque sub finem sese purgant, uti nos facimus (nam & medici & medicamenta composita illis desunt) sed muliercularum duntaxat opera utuntur, quæ illis huius decoctum pro arbitrio exhibent.

Çarçe exhibē-
de ratio altera.

In quibus mor-
bis Çarça non
exhibenda.

ILLUD verò obseruatione dignum est in hac curatione, quod solus radicis cortex neruo exempto in usu est. Ideoque nunc eorum exemplum sequutus, solo cortice in hunc hunc modum uti soleo.

QUATVOR corticis Çarçe-parille lote vncias, in quatuor aque sextariis vigintiquatuor horarum spacio macero, deinde ad dimidias decoquo: quod si calorem in agro metuo, hordei mundati dimidiam vnciam inter decoquendum

Çarçe præpa-
randa ratio
optima.

dum adiicio, & in magno calore, vulgaris aquæ loco, cichorij stillatitium liquorem cum hordeo substituo. Hæc aqua temperatissima est, & admirandos eius effectus in multis expertus sum.

OBSERVANDVM item est, vt quanta possit quantitate æger hanc aquam, vt retulimus, bibat, siue vno haustu, siue pluribus, quia magnam quantitatem bibendo plus sudabit, & citius certiusq; sanabitur. Itaque hanc nouam sumenda Carçæ-parille rationem maximè vtilem fore puto, faciliusq; & breuiore tempore curandos ægros.

EIVS quæ ad flumini Guaiquil & in Puna insula nascitur Carçæ-parillæ mentionem facit Petrus Cieça parte prima Chronici Peruani, cap. 54. alteriq; nascenti plerisque Indiæ regionibus præfert: meminit item cap. superiore de illa ratione dentes in sacrificiis offerendi.

Catapotia ex
garça.

ALIAM addit Fragosus eius præparandæ rationem, quæ est. Carçæ-parillæ libra vna bis lota, bene contusa, & minutim concisa, in octo aquæ sextariis toto triduo maceratur, deinde lento igne coquitur vsque ad integram ferè consumptionem, hoc est, vt acetabulum seu scutella eius decocti solum remaneat: garça statim exempta prælo imponitur, succusque exprimitur ad uncias quatuor aut eo amplius, etiam si ex eo qui super fuit decocto quantitas augeri debeat. Lento igni imponitur, vbi feruere cæperit, pulueris aloës optimæ uncie duæ, myrrhæ selectæ, nucis ponticæ magnitudine, croci momentū (sunt qui Ligni aloës pusillū addant capitis roborandi causa) iniiciuntur & continuè agitantur, donec amyli crassitiem contrahant: ex ea massa catapotia formantur. Ex his duo singulis decem prioribus diebus deuoranda dantur, & singula reliquis viginti, sub horam vndecimam noctu. Si verò inueteratus sit morbus, & æger validus, tria singulis decem prioribus diebus, bina subsequentibus decem, singula reliquis sumi poterunt. Dimidia gallina elixa in aqua (cui salis & croci momentum, & aliquot cicercis gtana iniecta sint) meridie datur edenda, reliqua pars in cena. Potus erit aqua Carçæ simplex. Surgant hora decima, cubitum eant ante solis occasum. Istitis catapotiis grauissimos dolores, & brachiorum crurumque paralyfes curari experientia se consequutum scribit.

Sassafras.

LIGNI quoddam genus ex Florida noui orbis prouincia, quæ 25. graduum altitudine polum habet, nunc recens in Hispaniam inuehitur, cuius ante paucos annos notitiam Gallus

Gallus quidam mihi dedit, eius facultates mirum in modum
 predicans, aduersus varios morbos, vt ipse & alij Galli ex-
 perti erant, ab eius regionis incolis edocti.

PROFLIGATIS ex ea regione Gallis, nostri Hi-
 spani in similes morbos incidere caperunt, ob prauis succi a-
 limenta, aquarum crudarum potationem, & sub dio dor-
 mitiones: at à quibusdam qui remanserant Gallis, de huius
 Ligni facultatibus moniti, eo vsi sunt, & sanitati restituti.

DICITVR hæc Arbor Indis Pauame, Gallis (quos Pauame.
 imitati sunt Hispani) nescio quam ob causam, Sassafras. Sassafras.

ARBOR est magna, Pini mediocris magnitudine & Pauame seu
Sassafras hi-
storia.
 forma (tametsi minores inueniuntur) vnico trunco nudo, ra-
 mis in cacumine expāsis, vt Pinus repurgata, cortice, quem
 integit tenuis cinerea quadam pellis, ex cinereo nigricante,
 gustu aliquantulum acris, sed aromatico, nōnihil ad fœniculi
 saporē tendente, odorato, ita vt pauca eius quantitas, cubicu-
 lum suo odore impleat: materie trunci & ramorum alba ad
 cinereum calorem tendente, non adeo aromatici saporis,
 & odoris, vt cortex: folio ficulneo in tres angulos desinente,
 nouello verò folio pyri folium emulante, sed quod vestigia
 angulorum habeat, semper virente, hoc est, foliis nouellis
 semper eis quæ decidunt succedentibus, colore viridi obscu-
 riore, odorato, præsertim si siccum sit: an florem fructumue
 ferat incertum: radicibus nunc crassis, nunc tenuibus, pro
 arborum magnitudine, leuibus, sed non adeo vt lignum, per
 summos terræ cespites expansis, vt faciliè euelli possint, quod
 fere cōmune est omnibus arboribus Indicis (imo referūt Hi-
 spanicas arbores eò delatas, steriles fieri, nisi in superficie ter-
 ræ plantentur) cortex radici firmitus inheret cinereus, ipsiusq;
 arboris cortice magis aromaticus, ideoq; radicis decoctū odo-
 ratius & præstantius est, & ab Hispanis istuc vsurpatur.

NASCITVR in maritimis, & locis temperatis, hoc Natales.
 est.

est, neque nimium siccis, neque nimium humidis, ut in portibus S. Helena, & S. Matthæi: nam alibi per vniuersam Floridam hand facile inuenias: istæ verò, sunt integræ siluæ, quæ ob suauissimum quem spirant odorem, ab Hispanis primum eo venientibus, arborum Canellæ esse existimabantur, nec immerito, nam adeo odoratus est & acris huius arboris, atque Canellæ cortex, & eosdem effectus præbet eius decoctum, quos Canella.

Delectus.

OMNIVM optima est radix, deinde rami, tertio truncus, sed cortex omnibus præfertur.

Temperamentum.

ARBORIS & ramorum temperamentum calidum & siccum est in secundo gradu, cortex aliquanto calidior, ad initium tertij gradus in calore & siccitate accedens: quibusdam calidus in fine primi, siccus in tertio gradu.

LICET Corticis & Ligni vsus duntaxat in medicina receptus sit, Indi tamen recentia folia trita, vulneribus imponunt, & sicca in alios medicos vsus seruant.

Facultates.

EIVS decoctum commendatur in omni morborum genere, præsertim verò in obstructionibus, & partibus internis roborandis: ad tertianas & febres antiquas. Commodè ex saccharo propinatur defluxione laborantibus, asthmate, pectoris vitis ex frigidityte prouenientibus, & consequenter doloribus nephriticis & renum, è quibus calculum eicit, & flatus discutit, quem etiam ob causam vterum ad conceptionem præparat, & menses producat. Vomitus cohibet, concoctionem inuat, aluumq; subducit.

ILLIVS fragmentum assiduè gestare & odorari maxime prodest, aduersus pestis contagia, præsertim non neglectis aliis remediis. Denique ob ingentem siccitatem & moderatum calorem, est remedium excellens ad omnis generis defluxiones, quoniam eas absorbit: sed iis qui extenuati sunt & imbecilles, non conuenit.

DECO-

DECOCTI verò seu aquae preparanda hac est ratio. Decocti para-
diratio.
Radici cum suo cortice assulati confracta vncia dimidia,
in tribus aquae sextariis, fictili nouo duodecim horis macera-
tur: lento igne ad duorum sextariorum consumptionem de-
coquitur: colatur, & in fictili vitrato adseruatur. Postmo-
dum supra eadem fragmenta, tantundem aquae superinfun-
ditur, decoquitur ad dimidij sextarij consumptionem. Ea est
secunda aqua, quae ordinarij potus loco erit.

ILLVD verò obseruandum est, plus aut minus ligni in
decoctionem iniici, viribus & temperamento egrorum con-
sideratis: etenim minore quantitate, & minus cocta propi-
natur hac aqua, biliosis, quàm pituitosis. Sed vulgariter
quarta sextarij pars aquae tepidae sumitur mane, deinde su-
datur, & vestis mutatur, nec quisquam eorum qui hoc me-
dicamentum sumpserit, lecto se continere cogitur. Prandium
sit media gallina assa, cum aliquot viuis passis, & amygdalis,
& auellanis tostis: caena sit è conseruis conuenientibus mor-
bo qui curatur, potus secunda aqua. Singularem experimento
didici hoc decoctum, vt dixi, propinatum, vtilissimum iis
fuisse, qui pedes & manus ex podagra sic contortos habe-
bant, vt iis vti non possent. Ad luem item veneream non mi-
nus vtile quàm aqua Guayaci aut Chinae. Ligni fragmen-
tum premansum eo dente qui dolet, & istuc retentum, do-
lorem sedat.

PORRO qui tam exquisita victus ratione vti nollent, Aquae parade
ratio alia.
aquam simplicem hac ratione decoquant. Ligni assulati
confracti semuncia, plusue aut minus, pro conditionibus iam
enumeratis, in tribus aquae sextariis ad dimidias coquitur,
ea aqua diu vtendum cum in prandio, tum in cena &
interdiu. Qui vino abstinere non norunt, ea aqua dilue-
re poterunt, etenim saporis & odoris gratiam vino conci-
liabit.

Donau

Donati sumus his diebus fragmento huius ligni à Francisco Zen-
nig Pharinacopola Bruxellensi diligentissimo, mihiq̃ue amicissimo,
quod odore & sapore fœniculum quidem referebat, sed tamen gusta-
tum, plantæ illius saporem magis reddere videbatur, quæ vulgo Dro-
co, nonnullis Tharco dicitur, acetariis familiaris, & cortex eius multo
magis. Lignum cum suo cortice adeo Tamarici simile est, ut nuli odor
& sapor obfarent, pro eo accipi possit: cortex interiore parte qua lig-
no adhæret nigricante, & laui, exteriorè rugosa, & ex cinereo rube-
scente.

Molle.

C A E T E R U M odor fœniculi mihi in memoriam reuocat arbo-
rem in Peru nascentem, Molle vocant, cuius ego pusillas duas plan-
tas, è semine natas, vidi ante aliquot annos Machliniæ in horto splen-
didissimo Illustris Viri Dn. Ioannis de Brancion, sed quæ tertio anno
perierunt hyemis iniuria.

Molle historia

E R A N T autem hæ arbusculæ trunco (quia tenellæ) ex viridi ni-
gricante, multis consperso veluti maculis cinereis, folia pennata ut fra-
xini, sed multo minora, ex viridi nigricantia, serrata & sub extremitum
angustiora, quæ ab arbusculis reuulsa lacteo succo, eoq̃ue lento & vi-
scido, & odorato manabant, & ipsa folia trita fœniculi odorem red-
debant, gustata adstringentis facultatis nonnihil habere videbantur.
Fructus ex quo nate sunt, piperis ferè magnitudine, oleaginosus, pellicu-
la rubescente tectus, racematim cohærens, ut ex eius icone, quam
ad viuum depingi tum temporis curauimus, conspiciere licet: florem
quem habeat ignoramus, sed quibusdã auctoribus, minutus est, viui
similis.

Natales.

H A E C arbor abundanter nascitur in conuallibus & locis planis
Peruanæ regionis, ut referunt omnes qui Occidentalium Indiarum
descriptionem dederunt: sed Petrus Cieça maxime, qui eius descri-
ptionem hoc modo cap. 111. primæ partis Chronici dat.

Molle historia
alia.

T O T O hoc tractu conspiciuntur magnæ quædam, & etiam par-
uæ arbores, quas Molles appellant incolæ: folia habent minuta, odore
fœniculi, cortice adeo commendato, ut eius decocto crurum dolores
& inflationes summa cum utilitate foueantur: ex ramulis fiunt den-
tiscalpia utilissima. Ex huius fructu cum aqua decocto, pro cocturæ

Molle vinum.

modo, fit aut vinum, siue potio admodum bona, aut acetum, aut
mel: tantoq̃ue in precio apud Indos sunt hæ arbores, ut quibusdã
locis eas consecratas suis Idolis habeant. Addunt nonnulli eius arbo-
ris foliorum decoctum, doloribus ex frigida causa ortis auxilio esse,
gummi verò eius, quod Mannæ modo candidum est, lacte dissolu-
tum, caliginem oculorum abstergere.

Facultates.

MOLLE

MOLLÉ.

49



D

Lignum

Lignum aromaticum.

Lignum aromaticum.

BERNARDINVS de Burgos Pharmacopola, una cum Sulphure infra describendo mihi ostendit Ligni cuiusdam fragmentum, Ligno sancto serè simile, cuius corticis odor & sapor adeò aromaticus & excellens est, ut macis, aut nucem myristicam longè superet, imo Canellam odoris suauitate, piper acrimonia.

MAGNA huius ligni quantitas in monte quodam caesa fuerat, & in nauem seu Liburnicam delata, ignis struendi causa. Vnde perspicere licet, quam multæ arbores, & aliæ plantæ in nostris Indiis inueniuntur insigni facultate prædita, quandoquidem ignis struendi gratia odoratis & aromaticis arboribus vtuntur, quarum cortice in puluerem redacto, cor & ventriculus roborari, reliquæq; membra foueri possent, & Aromatum ex Maluccis insulis, Arabiaq; & Perside vsque petuorum, vices supplere. Sed nos accusandi sumus, qui eas diligentius non inquirimus & inuestigamus, quandoquidem sponte montibus locisq; incultis nascuntur.

Lignum ad renum affectiones & vrinae incommoda.

Lignum nephriticum.

NOBIS etiam mittit noua Hispania Ligni quoddam genus crassum & enode, materiae Piri, cuius vsus iam diu receptus fuit in his regionibus, ad renum vitia, & vrinae difficultates & incommoda. Postea expertum est, eius aquam in Iecoris & Lienis obstructionibus utilem esse. Fit autem hac ratione.

Aqua ligni nephritici.

LIGNVM assulatim & minutim concisum in optima & limpidissima aqua fontana maceratur, atque in ea relinquitur, donec aqua à bibentibus absumpta sit. Dimidia hora post iniectum lignum, aqua ceruleum dilutiorem colorem contrahit, qui sensim intenditur pro temperis diuturnitate, tamen si lignum candidum sit: ceruleum ideo dico, quoniam

niam adulteratur alio ligno simili, quod aquam croceo colore inficit, ne quis fallatur.

HAC aqua assidue vtuntur, ea vinum diluunt, & mirabiles experiuntur effectus, sine vlla humorum commotione, neque enim opus est alia victus ratione quam temperata: siquidem aquæ sapor non magis immutatur ligni iniectione, quàm si pura esset, & nihil in ea maceratum. Calidum & siccum est in primo gradu.

Lapis Nephriticis.

LAPIS hic in Nephritide maxime laudatus ex nota Hispania etiam desertur. Præssio lapidi similis, qui ad viridem colorem lacteo permixtum tendit, præfertur viridior.

Nephriticus
Lapis.
Præsius lapis.

EV M gestat variis formis effigiatum, vt antiquitus solebant Indi, alios piscium forma, alios avium capitibus, alios psittaci rostris similes, nonnullos rotundos sphaularum modo, atque omnes perforatos, quoniam Indi eos appensos gestare solebant, aduersus Nephritidis, aut stomachi dolores, in quibus morbis valde commendatur. Sed eius præcipua laus est ad Nephriticos dolores, & ad calculum expellendū, & arenulas.

Nephritici lapidis varia forma.

Facultates.

NOBILIS mihi notus, vnum habet, cui nullum alium comparandum vidi; nam eum brachio gestans, tanta arenularum quantitate liberatur, vt, metuens ne ei noceat tanta eiectio, interdum eum deponat, nullumq; amplius calculum eiicit. Sed cum dolor eum premit, denuo eum gestat, & statim leuatur aut minuitur dolor multarum arenularum: atque etiam calculorum expulsione. Ea etiam occulta facultate præditus est, vt ab eiusmodi dolore præseruet gestatus, renum calorem mitigando.

DVCISSA Bejar ter breui temporis interuallo Nephriticis doloribus afflictæ, armillam ex eo lapide sibi confecit,

D 2 cit,

cit, quam perpetuo gestat, ex eo tempore (quod decennium superat) eo dolore nunquam vexata est.

ALII multi senserunt idem leuamen, eamq; ob causam magno in pretio sunt huiusmodi lapides, nec vi initio, tam facile adquiri possunt, quod soli earum Prouinciarum Reguli & Domini eos possideant, nec immerito, cum tam admiranda sint illorum facultates.

Lapis Tiburonum.

Tiburon piscis IN mari Indico ferreis hamis capiuntur pisces Tiburones dicti, maximi, validissimi, pugnacissimi, & truci aspectu, qui cum lupis marinis assidue praeliantur.

Lapis Tiburonum. IN eorum capite terni aut quaterui lapides, interdum plures inueniuntur, valde albi, magni, ponderosique (ut interdum duas libras pendant) & qui facile abradi possunt.

Facultates. HVIVS lapidis pulvis utilissimus fertur Nephriticis, & aduersus vrinae difficultates, & renum vesicaq; calculos, ut in Indis, Hispanisq; experientia comprobauit. eum gustatum insipido esse gustu deprehendi, facultates nondum expertus sum.

TIBVRONVM meminerunt, quotquot Occidentalis Indiae historiae descripserunt: sed inter eos Gomara in historia Mexicana, miranda & vix credibilia de Tiburone refert, & illi duplicem dentium ordinem tribuit.

DESCRIBIT idem in Historia generali Indiarum cap. 31. (quem sequutus est Theuetus lib. Singulatum cap. 71.) piscem quendam Manati nomine, cuius descriptionem, quod pleraque cum Tiburonis historia communia habeat (ne dicam eundem piscem videri) hic subiunximus.

Manati piscis. MANATI piscis est nostro orbi incognitus, vtri similis, duos tantum pedes rotundos, quibus natat, ad humeros habens, & in singulis quatuor ungues elephantinis similes, ab umbilico ad caudam vsque gracilescit: teterrimo est aspectu, capite bubalino, sed macilentiore ore, mento vero crassiore, oculis admodum exiguis pro corporis mole, quae interdum viginti pedum longitudine est, decem crassitie: corio denso, pilis quibusdam cinerei coloris obsito. Feminae pariunt vaccarum modo, duoque vbera habent, quibus catulos suos lactant. Eius caro quadrupedis potius quam piscis videtur, etenim recēs vitulinam sapit, sale macerata Thynni carnem, sed sapidior est, diutiusq; seruari potest.

potest. Eius pinguedo optima, nec facile rancescit, ea corium ipsius preparant ad calceos sibi faciendos. Inueniuntur in eius capite lapides quidam ad caculum & nephritidem utiles.

Hic piscis occiditur interea dum herbas in littore depascitur, sed etiam retibus capiuntur iuniores. Ea ratione paruini fertur cepisse Regulus Caramatexi, quem 16. annis in lacu quodam dicto Guaynabo educauit, adeoque domitum euasisse, & ferociam deposuisse, ut de manu cibum caperet, & in clamato nomine Mato, quod Magnificum sonat, lacum suum egressum fuisse, & in ædes perreptasse cibi sumendi gratia, deinde ad lacum remeasse, interdumque homines & pueros ex vna parte lacus, in aliam transfuexisse, nec illos merfuisse, ita ut Indis summam voluptatem adferret.

Lapis Caymanum.

Ex Nomine Dei, Carthagine, aliisque continentis oris, lapides interdum adferuntur calculis fluuiatilibus similes, qui in ventriculis pregrandium Lacertorum (Caymanes Lacerti Caymanes.) inueniuntur: ferocissimi sunt, ingenti ore, ut integrum hominem deglutire possint, multiplici dentium ordine, adeo magni, ut triginta duorum pedum longitudine inueniantur. Viuumt ij magna ex parte in fluminum ripis, nonnunquam in mari, ad fluuiorum ostia: pariunt oua in terra, & suos catulos istis excludunt, testudinum more: capiuntur hamis ferreis, quia earum cutis prædura, omnes ictus, etiam minorum tormentorum aneorum, respuit.

Hos lapides colligunt Indi & Hispani, atque adeo sibi Lapidis caymanum facultates. seruant, ad quartanam tollendam utile remedium: siquidem bini ex eis temporibus vtrinque alligati, in quartanarum paroxismo, illas tollere, aut earum calorem manifesto infringere traduntur. Bis eum lapidem temporibus cuiusdam puellæ, quæ quartana laborat adhibui, & certè febris calorem nonnihil remisisse animaduerti, an verò febrem omnino tollet, ignoro.

GOMARA, Petrus Cieça, Augustinus Carate, qui integram Indiarum historiam, aut ex parte scripserunt, huius generis Lacertorum seu Crocodilorum meminerunt, inter quos Petrus Cieça sub finem capitis 2. eorum oua, atque etiam carnes urgente fame cum aliis se edisse asserit circa Pauamam, cum eam regionem primum occupas-

D 3

sent.

Ingens Lacenti sent. Gomara cap 197. ibidem occisum, qui 100. pedes longitudine magnitudo. quaret, in cuius ventriculo multi calculi reperti sunt.

Lapis Sanguinalis.

Lapis sanguinalis.

LAPIS Sanguinalis ex noua Hispania delatus, laspidis genus est, varij coloris, sed obscurioris, maculis, seu punctis distinctus sanguineis.

Eius facultates.

Ex his lapidibus Indi quasdam cordium formas, magnas ac paruas consiciunt.

VALET ad fluxum sanguinis narium, mensium, hæmorrhoidum, vulnecum, ac oris. Lapidem aqua frigida inunctam æger dextra comprimit, & subinde id facit. Sic eo Indi & nostri vtuntur.

PERSVASVM habent Indi, imo firmissimè credūt, si hoc lapide pars sanguine manans contingatur, sanguinem sisti, idq; verum esse experientia probatum est. Vtilis est etiam suspensus aut alligatus eidem parti vnde sanguis effluit, modo carnem contingat. Vidimus nonnullos hæmorrhoidum fluxu afflictos, remedium sensisse, annulos ex hoc lapide confectos in digito continuè gestando: nec non & menstruum fluxum sisti.

Lapis rimas pedum curans.

ALIUD lapidis genus est, quod rimas in manuum & pedum iuncturis à pituita salsa prouenientes, curat: verum id duntaxat auditu percepi.

Armadillo.

Armadillo.

NUNC ex continenti habemus ossiculum caudæ peregrini animalis, quod veluti testis quibusdam totus integitur penum tenuis, cuius gratia Armadillo vocant Hispani, quasi cataphractum aut armatum dicas, Lusitani

Encubertado.


Encubertado.

Descriptio.

EST porcelli magnitudine, cui rostrum simile habet, cauda oblonga, & crassa, Lacerti modo. Sub terra viuit, vt Talpa,

ARMADILLO.

35



D 4

Talpa, & terra sese sustentare creditur, quod foris nihil edere conspiciatur.

Facultates.

O M N I S facultas consistit in caudæ osiculo, cuius in tenuissimum puluerem redacti pilula, confecta, magnitudine capitis aciculæ, atque auri indita, dolorem eius sedare, & tinnitum etiam, cum exigua surditate coniunctum, curare traditur. Certè dolorem sedari multa experientia comprobatum est.

Tattou.

H V I V S animalis meminit Theuetus lib. Singularium, cap. 14, aitque incolls Tattou vocari, quorum nonnulli porcellos magnitudine æquant, alij minores sunt, & eorum caro tenella est, bonique succi. Et Bellonius lib. Singularium 1. cap. 51.

M E M I N I T item Franciscus Gomara in Mexicana historia in hunc modum. Circa Lacunam quæ ex flumine Papalaxapan oritur Imperio Mexicano, animal inuenitur fele non maius, rostro porcelli, pedibus Histricis aut Erinacei terrestris, cauda oblonga, natura munitum duro cortice, & testa squamata veluti loricatum, intra quam se retrahit testudinis terrestris modo. Similis est hæc testura panoplæ æquorum: sed & cauda, ipsumque caput huiusmodi testis squamatis testa sunt, auriculis foris eminentibus, eamque ob causam Hispani armatum, aut cataphractum appellant, Indi Aiotochtli, id est, Cuniculum cucurbitæ.

Aiotochtli.

E I V S etiam descriptionem apud Gesnerum videre licet in Appendice ad Quadrupedum historiam, ex quo hanc iconem mutuati sumus.

Sanguis Draconis.

A T T V L I T ante paucos dies, ex noui orbis continenti, Episcopus Carthaginensis fructum arboris, ex qua manat lachryma illa, quam Sanguinem Draconis vocant.

Draconis arboris fructus.

E S T autem hic fructus admirandus: nam sublata qua integitur pelle, ilico dracunculus apparet, tanto artificio à natura fabricatus, vt à peritissimo aliquo artifice è marmore sculptus videatur, collo oblongo, ore hiante, spina aculeis horrida, cauda oblonga, & pedibus conspicuis.

Sanguis Draconis cur sic dictus.

A B eo fructu denominationem proculdubio sumpsit arbor, & eius lacryma, quæ ex illa per incisionem legitur, quæ ex Carthagine Peruana selectissimam aduehant: vnde re-

ferum

terum & multorum recentiorum inscitia deprehenditur, qui, quid esset sanguis Draconis, aut cur sic appellaretur, omnino ignorarunt.

MAGNA est arbor, cortice satis tenui, & qui facile Draconis historia. incidi potest: ea vulnerata, liquor ille effluit, quem Sanguinē Draconis in Lachryma, dicunt, ab eo differens, quem Sanguinem in pane vocant, quod in panes seu massas istic cogatur, quemadmodum resina in Castella.

UTERQUE liquor intro assumptus, alui profluvium Facultates. sistit, sic etiam ventri illitus, aut clysteribus inditus. Sanguinem unde quaque manantem reprimit. Capitis defluxiones, ne in partes inferiores delabantur, prohibet eius pulvis capitis vertici inspersus: vulnera recentia glutinat, gingivas à putrefactione liberat, & dentes stabilis. Est item color Pictoribus maxime expetitus.

TEMPERATUS est, & pauci caloris particeps,

MEMINI ante paucos annos nobis à Francisco de Hollebecque Regis Hispaniarum Hortulano diligentissimo, missos fuisse quosdam fructus Dragonalis nomine, ex quibus terræ commissis, nonnulli prodierunt Bruxellæ apud C. V. Dn. Ioannem de Boisor virum doctissimum & rei herbariæ peritissimum. Erant ferè foliis Iridis, oblongis, viridibus, per oras rubris (qualia in grandi arbore ante nouem annos Olysi pone conspexi) sed subsequens hyems abstulit: Fructus is erat Cerasij magnitudine aut Oxymirsinis, rotundi, tenui pelle contexti, qua sublata, osseus nucleus conspiciebatur, qualis est in fructu Rusci: sed is nullam animalis, nedum dracunculi tanto artificio fabrefacti figuram referebat, verum rotundus erat & læuis, & vt dixi, totus osseus. Arboris, quā Olysi pone obseruavi, & in cuius cortice gūmi sanguinei coloris concretum inueni, iconem, in Stirpium à me per Hispanias obseruatarum descriptione exhibeo. Dragonalis.

Gummi ad Podagram,

DABAT mihi idem Episcopus, Gummi genus (cuius Gummi ad podagram. arborem non poterat describere) ex eodem continenti delatum, quo se podagrici istic purgant, in hunc modum.

ILLIUS gummi fragmentum nucis ponticæ magni- Facultates. tudine, stillatio aquæ liquore noctem integram macerant,

D 5 postri-

53 FRUCTVS DYSENTERICVS.

postridie mane percolant, & exprimunt, eam aquam ad duas uncias sumunt, neque quidquam cibi superingerunt ante meridiem: eo medicamento purgatur humor, qui podagram creat, sine molestia.

INSIPIDVM est & inodorum. Calidum videtur in primo gradu.

Fructus dysentericus.

Fructus ex
Quito.

HISPANVS quidam adolescens mihi ignotus, attulit ex Quito fructum, qui, vt ex eius fragmentis (quæ altera parte læuia erant, & luteo colore, altera verò, aspera & admodum rubra, seu ex rubro nigricantia) conuincere licebat, magna quadam arbore natus videbatur. Dum ille mecum de variis rebus ageret, venit ad me vicinus, medicamentum curaturus filie, quam dysenteria miserè affligi dicebat. Ilico adolescens, eam, inquit, curabo: ad vicinum proficiscitur, fragmentorum illorum tenuissimè tritorum puluerem ex stillatitio calicum rosarum liquore, eo die puella hauendum dedit vespere, tantundem postridie mane, statimq; sisti capit fluxus, ita vt breui puella sanitati restituta sit. Eum adolescentem, tametsi diligenter requisierim, nunquam postea videre mihi contigit: itaque neque quis esset hic fructus, aut qua arbore nasceretur, scire potui.

Cortex ad alui profluuia.

Cortex alui
profluuia si-
stens.

PROFERT nouus orbis praegrandem arborem, foliis cordis effigie, nullo fructu. Eius cortex digiti crassitudine aut amplior, solidus, durus, & ponderosus, tenui candicante pellicula integitur: similis est admodum cortici Guayacan, vti Gentiana amarus, adstrictionis & grati seu aromatici cuiusdam odoris particeps.

Exhibendi
ratio.

MAGNA est apud Indos aestimatione, vt qui eo vtantur aduersus omnis generis alui profluuia, eius puluerem drachma pondere, aut paulo amplius mane propinantes ex
aqua

aqua conueniente, aut crasso vino rubro. Ter aut quater id remedium repetitur, obseruaturq; in reliquis victus ratio, quæ huiusmodi morbo necessaria est.

EIVS corticis fragmento donatus sum ante paucos dies, cuius periculum iam bis feci in alui profluiis inueteratis magno successu.

EX VARIIS nostrarum Indiarum provinciis, multa purgantia medicamenta deferuntur, quorum magnæ sunt facultates: de quibus hîc mentionem faciam, vt sint veluti Præfatio quedam in Historiam radicis Mechoacan.

Cassia solutiuæ.

INSVLÆ Diuorum Dominici & Ioannis de Portu Cassia solutiuæ diuite, tanta quantitate nobis transmittunt Cassiam solutiuam, vt non modo Hispania, sed etiam toti Europæ, atque adeo vniuerso orbi sufficiat: nam & in Orientem, vnde deferri solebat, plures naues ea onustæ vehuntur, quàm Cantabri ferrum mittunt.

QUÆ Venetiis ad nos ex India Orientali mitti solebat, cum immatura collecta esset, temporis diuturnitate & itineris longinquitate ad nos ita corrupta perueniebat, vt parum vtilitatis præstaret. Nostra verò ex insulis prædictis, Delectus. matura est, crassa, plena, ponderosa, medullosa, & adeo recens, vt interdum sexagesimo postquam collecta est die, huc perferatur: & quia recens, gratiq; saporis, non tetri, vt quæ ex Oriente deferebatur, facilius vires suas exerit.

BENIGNE purgat & sine vlla alui perturbatione. Facultates. bilem præsertim, deinde pituitam, postea quæ in meatibus & inte-

intestinis infarcta sunt, euacuat. Temperatos illos efficit, qui ea vtuntur: sanguinem purgat; Vtilis in omni morborum genere, sed maxime renum, & vrinae, duabus horis ante cenam sumpta. Desluxionibus prodest, duabus à leui cena horis. Quotidianus eius vsus est ad peccatoris & laterum vitia, eclegmaticis modo. Conuenit febrium ardoribus, & sitim extinguit. Assiduus illius vsus ante prandium aut cenam, calculi generationem prohibet.

FORIS cum amygdalarum dulcium oleo illita, graues pulmonum & renum dolores mitigat.

DOSIS pulpa eius est decem drachmarum, ad sesquiunciam vsque; non exempta verò, quatuor vnciarum. Lenit, resoluit, sanguinem depurat, & eius bilisq; calorem infringit. Humida est in primo gradu, ad calorem, sed mitem tendens.

IN istis insulis primum coli coepit, postquam in nostram potestatem venerunt.

NON desunt qui huius Auctoris iudicium improbent: siquidem Orientalis cassia, cæteris paribus, longè præferenda est.

Fructus ad bilem.

EX maritimis Nicaragua & Nata (quæ sunt in noui orbis continenti) inuehitur in Hispaniam Medicamenti genus purgans, bilem præsertim.

Fructus bilem
euacuans.

FRUCTVS est arboris cuiusdam vastæ, castaneis similis, sed calice leui, non, vt illarum, echinato: eo calice fructus continetur castaneis non multum absimilis, sed sine cortice, & ferè quadratus, qui in duas partes diuisus est, intercurstante medium, & totum deinde ambiente pellicula.

Facultates.

EDITVR hic fructus viridis, aut contusus vino exceptus: si siccus, eius puluis ex vino aut Gallinæ in sculo sumitur.

tur, datur etiam tostus ut minus purget : quocunque tandem modo sumptus, sine molestia purgat, observatis iis, quæ à purgatis observari solent, & præparatis prius ut decet humoribus. Illud verò minimè prætereundum est, pelliculam illam exteriorem & internam abiiciendam esse, alioqui gravia symptomata excitaturam, veluti ingentes vomitus, animi deliquia, & periculosa alui profluvia. Calidus est in primo gradu.

Auellanæ purgatrices.

NOVO orbe primū inuento, in insula Divi Dominici quoddam genus Auellanæ misit, quæ se Indi familiariter purgabāt. Postea Hispani necessitate cōpulsi, illis etiam purgare se cœperūt, nō sine vitæ discrimine. Colore & forma nostris Auellanis similes sunt, putamine tenui, coloris spadicei, triagulares, medulla interiore alba & dulci, sic ut multi, dulcedine illecti, decepti sint.

Auellanæ purgatrices.

Auellanarum historia.

MEDICORVM vulgus eas Ben magnum vocat (nam Ben est duorum generum) Paruum autem ciceris magnitudine est, & ex eo Itali odoratum illud oleum, quod de Ben nuncupant, conficiunt, quo sibi cæsariem & barbam inungunt deliciarum gratia.

Ben magnum.

Ben paruum

VALIDISSIME pituitam & bilem supernè & infernè purgant. Nonnulli tamen earum vehementiam : assatione infringebant. Coli doloribus præsens sunt remedium, flatibus discutiunt, & clysteribus injectæ, mediocriter euacuant.

Facultates.

DOSIS est à dimidia drachma ad drachmam unam : sed assanda sunt. Calidi sunt temperamenti initio tertij gradus, & sicci in secundo.

Auel-



Auellana hæc cum plerisque aliis fructibus peregrinis communicata mihi fuit ab illustri viro D. Ioāne de Brancion, rei herbariæ studiosissimo, nec ullis parcente sumptibus, ut suum hortum omni peregrinarum plantarum genere excoltissimum reddat.

Cæterum Auellanam hanc, cuius iconem hic exhibeo, lentus & mollis contegit cortex, partim ex cinereo candicans, partim nigricans: hunc sequitur putamen minus solidum quàm in vulgaribus Auellanis, id nucleum continet auellanae magnitudine, candidum, solidum, Auellanae vulgaris aut iligneae glandis sapore, tenui membrana obductum. Integra nux altera parte sessilis est, & coniunctim binæ nasci videntur, ut interdum castaneæ.

Nuclei pinci purgantes.

Pinci nuclei
purgatorii.

TRANSMITTIT etiam noua Hispania, Pincorum nucleorum genus, quo Indi se purgabant: quos imitati sunt plurimi harum regionum.

Descriptio.

NOSTRIS pineis similes sunt, nascentes in strobilis magnis, quales sunt Μαγχι spica mutica: molliori putamine, & nigriore quàm nostri pinei nuclei, rotundi, intus albi, pingues, & gustu dulces.

Facultates.

BILEM, pituitam, & aquas validissimè purgant: & licet Auellanis mitiores, attamen vomitum cient, atque ventrem subducunt. Asci, neque tam valenter, neque cum tam

am magnis torsionibus purgant. Peculiari quadam facultate crassos humores expellunt.

QUINQUE aut sex triti & vino diluti, dantur pro virium robore, preparato prius conuenientibus Syrupis humore, qui euacuandus est, & obseruata, quæ decet, victus ratione. Etenim qui eis vtetur, illam obseruare oportet, quæ ab his obseruari solent, quibus purgans medicamentum propinatum est.

CALIDI in tertio, & sicci in secundo, pinguedine tamen quadam præditi, quæ siccitatem nonnihil imminuit.

Fabæ purgatrices.

FABÆ purgatrices, quæ Carthagine, & Nomine Dei ^{Fabæ purgatrices.} nascuntur, nostris similes sunt, sed minores, eiusdem cum nostris formæ & coloris, pellicula quadam tenui, vt caparum tunica exterior, illas per medium interfecante, quæ cū cortice abiicienda est, alioqui tanta vehementia supernè & infernè purgans, vt in vitæ discrimen sumentem coniciat. Assandæ deinde sunt, vt illarum acrimonia infringatur, deinde in puluerem comminuendæ.

DATUR hic puluis vino aut saccharo exceptus, ad ^{Sumædi ratio.} cochleare vnum, deinde haustus vini sumitur.

APVD Indos hoc medicamentum celebre est ob ^{Facultates.} sumendi facilitatem: nam sine molestia bilem, pituitam, & crassos humores, multò lenius & facilius quam superiora medicamenta purgant.

DANTUR in febribus diuturnis & importunis, in coli doloribus, & articularum morbis.

DOSIS esto assatarum à quaternario numero ad senarium, plurius aut pauciorum, pro ægri viribus.

Aliquot

Aliquot peregrinos fructus accepi Fabæ purgatiuæ nomine insignitos: sed nullus mihi cōspectus est, qui fabæ purgatiuæ nostro auctori descriptæ conueniret, at potius inter Phaseolos, omnes recensendi videbamur.



Prior, cuius hic iconem exhibemus, orbiculari ferè est forma, sed planus vtrinque & quodammodo puluinatus, digiti vnus crassitie, duorum verò latitudine aut ampliore, ex vno latere aliquatulum cauo, quâ videlicet hilus esse solet, & siliquæ, in qua continetur, adhæret: cortex durus & lignosus, læuis, ex rubro nigricans: quod intus continetur album, firmum, & in duas partes natura sectile, vt sunt omnia phaseolacea: sapore primùm quali sunt omnia ferè legumina, sed illico linguam mordicante, & acris quo fit (ni fallor) vt purgandi facultate præditus.

Nascitur in insula Diui Thomæ dicta, & cordis effigiem, quale vulgo pingi solet, imitatur: idcirco à quibusdam Cor Diui Thomæ nuncupatur. Eius obiter meminit Petrus Cieça parte prima Chronici cap. 112.

Alter Phaseolo vulgari haud dissimilis est, sed minor, densior, nigricans, & hilo prominente, & renis formam minimè referente.

Cùm Olysiopone essem, donatus sum Phaseoli genere ex Brasilia Americæ



E

ALTER

PHASEOLVS ALTER BRASILIANVS.



Americæ provincie delato, admodum recenti, pollicari latitudine, crasso, colore rufescente, magno hilo, & parte extrema veluti sessili: Eiusmodi quatuor aut quinque singulis siliquis prægrandibus continentur, qui recentes & virentes adhuc tusi & impositi bubones venereos curare dicuntur: flore traditur ex rubro pallefcere: ego duntaxat iunior plantam vidi mihi femine natam, quæ foliis Phascolo vulgari ferè similis erat, nisi quod minora erant, & auersa parte hirsuta, præsertim teneriora folia, & extremi caules tenui molliq; lanugine fuluescente oblit. Brasiliæ Macouna vocant: similes planè, & colore, qui ex cinereo candicans est, duntaxat differentes, ex Africæ Mauritania delatos vidi.

Vidi etiam non procul Olyssipone in monasterio quodam Phascoli genus vulgari nostrati adeò simile, vt nostrum putarem, pergulas istic vestiebat opere topiario, flore purpureo; at siliquæ scabræ sunt, breuiores, & duplo latiores quàm nostri vulgaris: fructus est exiguus pisi vulgaris magnitudine, totus niger, nisi qua parte siliquæ adhæret, quæ candida est. Brasiliæ frequentem esse audiui, & Lusitanis istic habitantibus Fava braua, id est, fabam siluestrem nuncupari.

Lac Pinipinichi.

IN omnibus continentis oris, lacteus quidam succus elicatur ex arbusculis Malorū similitudine, Indi Pinipinichi Pinipinichi vocant: cuius rami recisi, lacteum humorem ilico exsudant, aliquantulum densum, & viscosum, cuius tres aut quatuor guttæ sumptæ, validissimè per secessum purgant bilem & Facultates, aquas.

BIBITUR ex vino, aut eius desiccati pulvis deglutitur pauca quantitate, propter nimiam vehementiam.

ILLUD autem peculiare habet, quod si quis, eo sumpto, iusculum, vinum, aut aliud quid iniciat, subito eius operatio infringitur, & cessat.

SUMPTO aliquo ex superioribus medicamentis purgantibus, somno abstinentum est, & ea obseruanda, quæ ab his qui purgans aliquod medicamentum sumpserunt, obseruari solent.

CALIDVS & fccus hic liquor in tertio gradu.

OMNIA iam enumerata medicamenta valida sunt

E 2 &

Et pernicioſa, quibus vti deſitum eſt, poſtquam Mechoacan receptū eſt, cuius uſus minime periculoſus eſt. Et ad ipſum, tanquam ad medicamentum preſantiſſimum, conſugerūt non ſolum noſtri, ſed omnes etiam Indiani incola. De quo nunc acturi ſumus.

Mechoacan.

Mechoacan.

MECHOACAN radix eſt ante viginti annos primum reperta, in provincia Mechoacan dicta, quadraginta miliaribus ſupra Mexico, quam deſcendit Ferdinandus Cortefius, anno 1524.

Forma.

IAM vidimus apud Franciſcanos huius urbis naſcentem, ex ipſa provincia Mechoacan naui delatam, multis ramis luxuriantem ſupra terram expaſis, colore cinereo, qui vicinas perticas aut pergulas ſtandunt, & multiplici nexu amplectuntur. foliis rotundis, in mucronem deſinentibus, ſecundum pediculum amplis, fibroſis, adeo vero delicatis, ut humiditate carere videantur: fructu coriandri ſicci magnitudine, racematim coherente, qui Septembri matureſcit: radice craſſa, vitis albe ſeu Bryoniae modo, ut non deſuerint qui eandem plantam eſſe putarent, aut ſaltem ei congenerem: ſed multum diſſerunt, nam Bryoniae radix viridis & ſicca admodum acris eſt: Mechoacan vero inſipida & ſine acrimonia.

MILLI ſemine obruta ſervatur hac radix, aut limo picato ſeu reſinato involuta.

Mechoacan alterum.

CATERVM nūc ex Continenti aduebitur Mechoacan, nācū circa Nicaragua & in Quito (ubi diligenter colitur, & magno in uſu eſt, ob eius mirabiles effectus) longè preſtantius eo, quod ex noua Hiſpania adferri coſuevit: cuius ſlos, ſemē & ramuli etiam allati ſunt. Erat vero iſ ſlos quaſi mali aurea, quinque foliis conſtans maioribus, & cuius umbilico

Forma.

bilico protuberat calix siue vesicula quaedam auellana magnitudine, membrana constans tenui, albicante, quæ in duas cellulas tenuissima pellicula secretas diuiditur, & in singulis bina grana, ciceris exigui magnitudine, colore per maturitatem nigro, gustu insipido continebantur, quæ molli & spongiosa terra excepta, commode nascuntur.

Ex huius radice fit conferva varij generis, Cydoniorum modo, sed etiam Gelatina ex saccharo & illius succo, quæ in deliciis esse possunt: nam vt radix est insipida, facile saccharum recipit, quocumque tandem modo paratur.

MOLESTA non est huius radice sumptio, quia nullius mali saporis est particeps, ideoq; pueris, senibus, alijsq; qui cetera medicamenta respuunt, utilis est.

PITUITAM præsertim & aquas educit. Icterus, cephalæm, strumas, & epilepsiam curat, veteresq; defluxiones sistit, articulorum, coli & rennum doloribus utilis est. Conuenit etiam vteri doloribus, asthmati, tussi veteri, febribus & lue venerea vexatis.

HVIS autem radice sumenda ratio talis est. Purgato prius corpore serapis, clysteribus, aut sanguinis missione, & dieta, pro medici iudicio, huius radice leuiter contuse puluis vino albo maceratus, aut aqua sceniculi anisi, aut cinamomi (si quis vinum non fert) summo mane propinatur, dimidia drachmæ pondere pueris, vnius drachmæ iuuenibus & adolescentibus, duarum vero drachmarum viris & mulieribus. Nec inutiliter datur ex syrupo nouem infusionum. Dimidia post sumptum hoc medicamentum hora somnus conceditur, his præsertim qui vomitibus obnoxij sunt. Facta purgatione, datur iusculum, & paulo post cibus, qualis his dari solet, qui sese purgant.

FIUNT nonnunquam ex eodem puluere cataporia co-riandri sicci magnitudine.

Mechoacan
siluestris

IN manu autem est Medici, * aut eius qui sumpserit, eā humoris quantitatem purgare quam volet, quoniam sumpto pauxillo iu sculo, aut alia re, eius operatio ilico cessat.

MITTIT nobis Promontorium D. Helena, quod in eodem quo Nicaragua tractu est, aliud Mechoacan genus siluestris, quod graua Symptomata excitat, ut vomitus immodicos, tormina, & alui profluvia, quā ob causam Scammonia nūcupatur: sed nemo (periculo semel facto) vitatur. Simile est, alteri cū folio, tū sarmentis, tum radice, sed per omnia minoribus: & ipsa etiam radix acrimonie nonnihil habet.

Missi sunt nobis ex Hispaniis ante paucos annos duo semina Mechoacan genera, vnum breui caliculo sine siliqua, semineque nigro, quale est Scammonij aut Conuoluoli maioris: Alterum oblongiore aliquantulum caliculo, & semine rufo, & quā superius longiore, tenerioreque: Vtriusque siliqua parte inferiore lanuginosa est.

Ex vtriusque semine nate sunt nobis, & aliquot aliis rei herbarie studiosis plantæ, quas subsequenti hyeme iniuria sustulit. Prodiabant Scammonij aut Conuoluoli moilo, deinde multos sarmentis proxima pedamenta scandebant & amplectebantur: folijs Conuoluoli maioris, sed tenerioribus & colore magis fuluescente.

* Negat Ioan. Fragosus Regis Catholici Medicus, iu sculo aut alio cibo iniecto Mechoacan vim purgatiuam fisci aut infringi, & quotidiana experientia id se obseruasse ait, eandemque nostri Auctoris in Pimpinelli opinionem reprobat.

Radix Quimbaya.

MEMINIT Petrus Cieca parte prima Peruanæ historia, in prouincia Quimbaya, cuius metropolis Carthago magna, nasci tenues quasdam radices digiti crassitudine inter arbores, quarum si fragmentum brachiali longitudine aque sextario per noctem maceretur in vase aliquo, maiorem aque partem ea nocte absumet. Ex ea que supererit aqua, qui tres uncias sumpserit, adeo benigne purgabitur, & sine molestia, uti si Rhabarbaro purgatus esset. & aliquoties periculum fecisse scribit magno purgatorum commodo.

Piper.

TOTO Continentis tractu in quo Nata, Carthago, & etiam in Nouo regno, magnus est vsus Piperis cuiusdam oblongi



oblongi, quod maiore acrimonia prædictum est Orientali, magisq; aromaticū, & iucundiore odore spirat, quàm Axi seu Capsicum, quinetiā præfer-

Axi.
Capsicum.

ALTA cuiusdā pliatæ fructus est oblongus, crassitie quidē funiculi, at dimidiū pedis lōgitudine, cōstās veluti multis granulis, circa pediculū oblongū continuo & coniuncto ordine dispositis, seminis plantaginis modo. quibus ademptis, pediculus nudus conspicitur. Recens viridis est, sole maturescit & nigrescit. Calidum est tertio gradu.

Forma.

NEC prætermittendū est Piper ex Indiis nostris missum, quādoquidem non modo in medicū vsū receptum est, sed planta est excellentissima, & tota Hispania notissima: nā nullus est hortus, in quo nō seratur ob fructus pulchritudinē. Vidi aliquando in hac vrbe plantam ad arboris altitudinem excrecentem.

FOLIO est viridi, ocymo latifolio simili, flore albo, ex quo pullulat fructus diuersæ formæ, oblongus, rotundus, Melopenis forma, aut cerascorum, sed immaturus viridis est, maturus verò colore rubro gratissimo.

Capsaci hibernia.

PARTICVLATIM concisum & iusculo maceratum, meliorem saporem edulius conciliat, quàm Piper vulgare, ideoq; eius vsus est in omnibus, in quibus aromata ex Maluccis insulis & Calecutio delata cōmendantur, in eo solum differens, quod illa multis aureis emuntur, hoc sola satione acquiritur: nam in vna planta colliguntur aromata in totius anni vsū, minore dispendio, & maiore commodo.

FLATVS discutit, vtile pectori & perfrictionibus, calescitq; & roborat partes internas. Caliditatis & siccitatis in quarto ferè gradu particeps.

Facultates.





E S

Capficum hoc, seu Piper Iadicum (Americum potius) diligentissime colitur tota Castella cum ab Hortulanis, cum a mulieribus in fenestris adium suarum. Etenim eo vritur per totum annum cum virente tum siccato, pro condimento & pipere. Spectatur varia (vt noster auctor ait) forma: sed & haec omnia genera aliquando vidi colore flavescente, in Lusitania, monasterio quodam circa Olyssiponem.

Aliud Capficum genus obseraui in nonnullis Lusitanie locis, fruticosum, cubitalibus ramis, virentibus, foliis hortensis Solani fere, aliquantulum angustioribus flore candido eriguo, vt Solani hortensis, fracta in longis pediculis parua per initia viridi, deinde nigricante, vbi maturuit, rubro, continente multa semina lacuscula alterius Capfici modo, tam feruidi gustus, vt fauces aliquot dies inceusat gustatum. Floret, & fructum profert tota Autumnus, & in calidioribus regionibus etiam hyeme. Illi vocant Pimenta de Brezil, hoc est, Piper Brasiliense, in qua prouincia abundante nasci, multipliceque in vtu esse intelligo.

Ceuadilla.

Cauadilla.

Facultates.

PERLATA sunt ad me cum aliquot aliis plantis ex Hispania noua, semina cuiusdam planta Ceuadilla istie vocata, id est, Hordeolum, a similitudine quam cum nostro hordeo habet in spica & vaginulis, quibus semen includitur, sed minus eo imi semine neutrquam maius, & longe aliis facultatibus praeditum. Etenim nunquam auditum est plantam aliquam adeo virente, & caustica vt praeditam; sic, vt vbi canterium necessarium est in gangranis, & putridis impurisq; vlceribus eosdem praebeat effectus quos non modo sublimatum, sed ignis etiam praestare posset: etenim vermes in vlceribus necat, putridaq; vlcera expurgat pulvis eius sensim is inspersus, maiore minoreue quantitate, pro vlceris magnitudine, adhibitis praeseruatius, quae in huiusmodi remedijs vsurpari solent. Itaque, cum eius facultates infringere volunt, puluerem stillatio rosarum aut plantaginis liquore excipiunt, linumq; aut ellichmum eo intinctum vlcerebus & gangranis imponunt: deinde sarcocica medicamenta adhibentur pro cheirurgi docti & experti iudicio.

EADEM ratione vsurpatur in animalium malignis vlceribus, quibus plerumque infestantur.

CALI-

CALIDVM est hoc semen in quarto gradu, eoque etiam amplius, si plures sint gradus.

Sulphur vivum.

MITTIT nobis Quito provincia Peruviana Sulphur Sulphur Qui-
tense. vivum praestantissimum, ut vitrum translucentum, colore auri sincerissimi, cuius fragmentum pusillum lucernae adpositum, odorem maximum Sulphuris ei aculatur fumo viridi permixtum: & ante quam incendatur, nullum Sulphuris odorem praebet.

HVIVS pulvis vino dissolutus, & per aliquot dies facili vespere illitus (purgato prius corpore) inflammationes curat. Scabiem tollit, rosaceo oleo mixtus. Drachma pondere cum oui luteo sumptus, coli doloribus, Nephritidi, nervorumque contractionibus & ictero utilis est. Calidum & siccum est hoc sulphur summo excessu. Facultates.

EX Nicaragua aliud Sulphuris genus aduehitur coloris cinerei, densum, & expers transparentiae, nihilque cum alio commune habens praeter odorem. Sulphur Nica-
raguanum.

Ad Erisipelas.

NOBILIS ille qui Piper longum mihi dedit iam ante descriptum, Peruviana Carthagine attulerat placentam quamdam foris nigram, intus luteam, & adhuc humidam, tametsi bis mille fere miliaribus allata esset. Eius pauxillum me praesente dissolvit aqua rosacea stillaritio liquore, & eo faciem filii sui, qui erysipellate laborabat, illiuit: postridie simili liquore calente faciem illius abluir: facies adeo integra & sana reddita est, atque si erysipellate non laborasset. Medicamentum
ad ignem sacrum.

CONFECTAM vero referebat hanc placentam e lumbricis, quos Indi terra eximentes, Mayi solis educant, deinde iam pingues fictili coquunt, eos despumando: colatos deinde rursus decoquunt, donec ad unguenti consi-

consistentiam aut etiam densiorem reduxerint.

Carlo Sancto.

Carlo sancto. ANTE triennium ex Mechoacan provincia delata est quedam radix Carlo Sancto dicta, cuius insignes facultates predicant.

Descriptio. NOSTRO Lupulo similis est, & perticis se connodiāt illius more, quibus si careat, humi spargitur & diffunditur: folia etiam Lupulo similia, colore viridi, sed obscuriore, odore gravior: neque florem, neque fructum fert: Radix crasso capite est, ex quo alie radices oriuntur, digiti maioris crassitudine, colore candicante: cortex qui facile separatur, cuiusq; usus est, odore aromatico, gustu amaro, cum quadam acrimonia: nervus radice cortice spoliatus, multis quasi filis seu tabellis tenuissimis constare conspicitur, que singulatim separari possunt.

Natales. NASCITUR temperatissimis provinciis Mechoacan locis, solo neque nimium siccio, neque humido. Calida & sicca initio secundi gradus.

Vacillates. RADICIS cortex mane aliquanto tempore commanducatus, multam pituitam, aliosq; humores ex capite elicit, eamq; ob causam Rheumatismos & capitis dolores & defluxiones curat: in nonnullis etiam vomitu multam bilem & pituitam e stomacho expellens, sed illius decoctum maxime, cuius gratia ventriculus noxis humoribus liberat, eumq; roborat: purgationem tamen procedere necesse est.

IDEM commanducatus, gingivis abscedentibus auxilio est, dentes stabili, eosq; a scabritia & corruptione liberat, orisq; halitum commendat: sed postea vino os eluendum, ad amaritudinem tollendam.

PULVERIS eius exigua quantitas ex vino albo, aut adamti, canellae decocto sumptus, vulvam obstructionibus liberat,

liberat, mensesq; pronocat, & flatu discutit, purgato videlicet prius corpore, & aluo (dum eo remedio vietur) ex æquis partibus Liquidambar & vnguenti Dialtheæ iuncto.

CORDIS affectibus, his præsertim qui ex vteri sympathia oriuntur, auxilio est eius pulvis, ut ante, sumptus, aut illius decoctum hoc modo præparatum.

RADICIS minutim concisæ drachmæ duæ in aqua Carlo sancto
decoctum. sextario & dimidio coquuntur ad dimidias, corticis citri in puluerem redacti drachmæ quatuor, pulueris Canellæ drachmæ duæ statim iniiciuntur, ac denique feruent, deinde colantur. Istius decocti sex viciæ singulis diebus mane addito saccharo propinantur, purgato tamē prius ut decet corpore.

Hunc pulcrem, & decoctum nonnulli in morbi gallici affectibus, atq; etiam Epilepsia cōmendant. Alterum experiri nō admodum necesse est, quod multis aliis ad eum morbum remediis abundemus. Alterius periculum faciam in iis, qui vigesimum quintum ætatis annum nondum excessere: nam Epilepsiam in adultis tollere, non est verisimile.

Radix S. Helenæ.

Ex portu S. Helenæ, qui est in provincia florida, adferuntur radices quadam prælongæ, sed nodosæ admodum, pollicari crassitudine, foris nigre, intus albæ, sapore aromatico, Galangæ serè simili. Resectis his nodis & perforatis, fiunt precariæ spherule, quas milites Hispani & Indi de collo suspendentes, multum illis tribuant. Hi siccati rugantur, durig; & quasi cornei fiunt. Planta ramos suos per terrā diffundit, foliaq; ampla & viridia admodum profert.

Radix D. Helenæ, & eius historia.

NASCITUR locis humidis, sicca initio, calida in fine secundi gradus existimatur. Natales.

HAS radices Indi lapidibus conterunt, totumq; corpus Facultates. sibi inducunt balneaturi, quoniam cutim constringunt, & membra, ut inquant, suo grato odore roborant.

ILLIUS

ILLIUS pulvis cum vino haustus, in ventriculi doloribus, urinae difficultatibus, & Nephritide commendatur.

UT ex descriptione facultatibusque huius plantae colligere licet, ad Cyperi genus aliquod referri poterit.

Guacatane.

Guacatane.

MISSA nobis est ex Hispania nova plantula quaedam candidans (sed sine radice) Indis Guacatane nuncupata, nostro Polio montano haud absimilis, sed inodora, quae an florem aut semen proferat, ignoro.

Facultates.

AD Haemorrhoides commendatur hac ratione: Eius plantae decocto ex vino (si calor absit) alioqui ex aqua, haemorrhoides abluuntur, deinde blande siccantur, postmodum eiusdem plantae pulvere insperguntur.

DOLORES ex frigore & flatibus ortos, in quacunque corporis parte sedat, si locus resina prius inunctus, tenuissimo huius pulvere inspergatur, & pannus lineus superimponatur: nam illico adhaerebit Cerati modo, nec inde amovebitur, nisi dolore mitigato.

EIVS pulvis lenibus vulneribus impositus, praesertim inguinum, ea mundat & ad cicatricem perducit.

MISSAE item sunt ad me aliquot aliae plantae, sine nomine, quarum vnus ex aqua decoctum calide sumptum, pectoris vitis auxilio est.

ALTERA, quae partus mortuos, secundasque morantes trahit, cuius rei magnam experientiam habent Indi.

TERTIAM, si (cum maxime viget) quispiam colligere volens duntaxat contingat, ilico flaccescit, & procumbit.

QUARTA per solum dissoluta est & expansa: si quis tamen eam attingat, statim contrahitur: ut brassica muriciana.

HELLEBORUS item niger Hispanico similis, & eiusdem facultatibus praeditus.

MVLTAE

MVLTA præterea alia medicamenta in Indiis nostris inueniuntur, insignibus facultatibus prædita, quæ cum tempore (vt iis vti possimus) innotescunt: vt ex eorum, quæ hætenus allata fuerunt, vtilitatibus colligere licet, quandoquidem infiniti morbi, qui alioqui incurabiles videbantur, horum vsu curati sunt.

QUÆ omnia mea diligentia accepta ferre oportet, & primæ huius meæ historie parti, quæ per vniuersum orbem admodum celebris fuit, ob medicamentorum, quæ in ea continentur descriptionem.

ET vt omnes intelligant quàm utilis meus hic liber fuerit, subiicere hic liber Epistolam ad me scriptam ex Peruana vsque regione, à nobili quodam viro, ante duos menses: etenim ex eorum quæ in illa descripsi lectione, inueniuntur in Peru lapides Bezaares, orientalibus aut inferiores viribus, de quibus Deo volente in tertia parte agemus.

Epistola ad D. Nicolaum Monardis.

NON dubium est Clarissime Doctor, quin nouum videbitur, me virum illiteratum, semperq; militiam in his regionibus sequutum, ad te scribere, de iis quæ ad facultatem vestram pertinent. Verum animi mei erga eruditos viros propensio (in quorum numero tu es, ob libri tui lectionem, quem de Medicamentis in his regionibus nascentibus eorumq; facultatibus euulgasti, & laudem quam eo libro hic consequutus es) fecit vt etiam ignotus has ad te dederim. Etenim satis commendare non possum vtilitatem quam hic attulit tuus iste liber, cum ex eo rationem consecuti simus, qua medicamentis vtendū sit, ex quibus sine methodo ante vsurpatis, nullum auxilium percipiebamus: nunc verò ex tui libri lectione, plerique à morbis, qui deplorati videbantur, liberati sunt.

I AM

I AM sunt plures quam viginti octo anni, quod militiā sequens, per has Indias peregrinor, in quibus non solum quæ à te descripta sunt, nascuntur, sed etiam pleraque alia, quorum fama nondum ad vos peruenit, ob Medicorum huc à vobis commearum magna ex parte negligentiam & insciam, quibus publica utilitas (quam tamen summam præstare possent) cura non est, sed ut quæstui duntaxat seruiant.

Animal lapide
Bezar gignens.

FORMAM animalis, ex quo lapis BeZar extrahitur, in tuo libro describis. Ea diligentius perpenſa, Animalium genus quoddam in istis montibus frequens inuenimus, valde simile us Hircis (nisi quod cornibus orbum est) quos in Orientali India reperiri tradis. Rursi sunt coloris magna ex parte, & herbas salutariferas depascuntur (quarum magna est copia in montibus ubi ista animalia degunt) ita sugacia, ut solo tormentorum aeneorum ictu adsequi possimus.

DECIMA quinta Junij huius anni 1568. ego cum aliquot amicis ad venationem profecti sumus in huius regionis montes, in eam quinque dies transiimus, & aliquot ex his quæ dixi animalibus consecimus, cumq; eorum causa venationem suscepissimus, librum tuum contuleramus.

A P E R T O itaque maximo, & prouectioris ætatis animali, neque in ventriculo, neque in alia parte corporis lapides inuenimus, quo factū est, ut Indis animalibus similia non esse putarem. Percontati Indi, quos, ut nobis miserirent, deduxeramus qua corporis parte lapides hæc animalia haberent, se quidquam de lapidibus scire negabant (ut sunt nobis infestissimi, nec sua secreta nobis innoscere vellent) Indus tamen puer, decem aut duodecim annos natus, cum videret nos tantopere id scire cupere, in animali receptaculum quoddam & veluti marsupium nobis ostendit, in quod depastas herbas recipimus, donec eas postea rumi-

ruminatas in ventriculū traiciant. Ibi puerum ilico interficere voluerunt Indi, quod nobis id indicasset, eum tamen postea, nobis in venatione occupatis, interceperunt, & vt intelleximus, sacrificarunt. Indi eos lapides magno habent in precio, eosq; in Idolorum suorum delubris, quæ Guacas vocant, & alia etiam preciosissima quæq; offerre solent, veluti aurum, argētum, gemmas, monilia, animalia, & pueros.

Guacas.

ILLVD autem admiratione non caret, hoc animal per totas has Indias non reperiri, præterquam in montibus istis Regni Peruanæ. Nam ego omnia Mexicana regna, omnes Peruanas prouincias & regna, prouincias & insulas Marañon, Floridam, & multas præterea Occidentalium Indiarum regiones peragraui: attamen nusquam hæc animalia conspexi, quam in solis huius regni Peru montibus.

Animal Bezaares lapides gignens in solis Peruanis montibus.

EGO qua potui diligentia ab Indis amicis de horum lapidum facultatibus inquirens, intro sumptos, aut foris impositos mirificè venenis & toxicis resistere intellexi, cordis affectibus auxiliari, tineas ventris expellere, & eorum puluerem vulneribus sagittarum toxico illitarum vtilissime inspergi. In summa hūc lapidem alexipharmacum esse perniciosissimi illius toxici quo sagittas suas illinunt, ad sese mutuo conficiendos, atque etiam nos Hispanos, quorum plerique, post vehementes cruciatus & furores mortui sunt, nullum auxilium inuenientes: tametsi in sublimato vulneribus insperso nonnulli leuamen senserint: verum si toxico recenti illitæ sagittæ sint, præsentaneam perniciem adferunt, nec sublimatum prodest.

Facultates.

EX animalis igitur quod primum secuimus bursula, nouem lapides exemimus, qui Naturæ beneficio istic creati videntur ex salutiferarum illarum herbarum succo, quæ in bursulam illam congeruntur. Secuimus & alia huius generis animalia, quæ confeceramus, in quibus omnibus lapides

F

inue-

inuenimus, plures aut pauciores, pro animalium etate.

OBSERVANDVM autem est, sola quæ pascuntur in montibus animalia, lapides istos præstantes generare: nam quæ in planis pabulum sumunt, ut herbas minus salubres depascuntur, sic etiam lapides eorum, tametsi vtilis, iis viribus non pollent, quibus ij præditi sunt, qui ab animalibus in montanis degentibus eruantur.

COEPI MV S iis vti eo ordine quem in tuo libro docuisti, & aduersus eosdem etiam morbos, in quibus sanandis mirabiles eorum effectus experti sumus, quos longum esset referre. Quæ omnia tibi accepta referre debent non modo Hispani, sed etiam vniuersus orbis. Quantum ad me attinet, ut aliquam animi gratitudinem ostendam pro beneficiæ accepto, opera Ioannis Antonij Corci, diuitis mercatoris, duodecim ex iis lapidibus mitto: si eò peruenerint, eos in multis morbis experiri poteris. Eiusdem opera, an eos acceperis mihi significare poteris; etiam, quæ voles in tuam gratiam faciam, imperare, quoniam tui sum obseruantissimus.

Phaseolus
Peruanus.

N V N C capsulam accipies in qua Phaseoli genus inuenies, quod Martij initio tantummodo ferendum erit, ne frigore ledatur. Planta est fabæ similis, minor tamen, fructu in siliquis ferens. Seni huiusmodi fructus (fabas virides sapiunt) cum sale manducati, valde bilem, mediocriter pituitam, & sine molestia hydropicorum aquas euacuant: eosdem effectus præbent sicci triti & ex vino sumpti: sed cibum paratum habere conuenit, quia si validius quàm necesse sit, purgent, cibo sumpto earum vehementia ilico infringetur.

Plantagramini
similis.

P L A N T A M etiam quandam hic in planis nascentem graminis modo, magnis facultatibus præditam: siquidem eius decoctum gargarisatum, rheumatismis, gutturis, phlegmonibus, aliisq; vitis auxilio est: manducata, multam
pitui-

pituitam educit, ideoq; morbis superioribus, & capitis doloribus utilis. Denominationem a me sumpsit hæc planta, quod mihi familiaris eius vsus sit, & aliis, ut utantur, consulam: cuius facultates me docuit quidam Indus in stirpium cognitione admodum versatus.

FRUCTVM item arboris cuiusdam, quæ solummodo in hac prouincia nascitur, Ilicis magnitudine, cortice Cerri ægylopi simili, foliis fraxini. Magnis viribus pollet: nam corticis eius puluis vulneribus inspersus, ea mundat, deinde carnem generat, & perfectè curat. Dentes eodem puluere fricati stabiliuntur, gingiue abscedentes sanantur. Foliorum decocto intincti panni, & calidi vulneribus, aut pulueri corticis illis insperso impositi, curationem eorum accelerant, & humorum eo defluxum prohibent. Ex ea manat liquor odoratus, quem etiam fructui adiunxi, suffiibus idoneus ad multos capitis morbos, & emplastris utilis.

Molle, cuius
ante mentionē
feci, describere
videtur.

Ex eius fructu saluiferam admodum potionem Indi conficiunt. Eum istic serui & nasci velim: nam tibi delectationem adferret, ob eas quibus prædita est hæc arbor facultates, tum etiam quia nouum arboris genus est, & omni tempore odoratum.

INDVS quidam Aethiopissam meum mancipium, malignis vlceribus & inueteratis vexatam, puluere cuiusdam fructus iis insperso, ea mundauit, exesa putrida illa carne, deinde eundem pulcrem cum ellichnio vlceribus sanis imposuit ad carnem generandam, vlcusq; ad cicatricem perducendum. Erat verò is fructus in insula Margarita, vbi mancipium curandum dedi, admodum vulgaris, sic ut eo vulgariter vescatur, magnitudine Assyrii mali, nucem Persici mali nuci similem continens, cuius concremata puluis ad ea quæ nunc enumeraui, utilis est. Illud verò admiratione non caret, nucleum qui hac nuce continetur, adeo

Fructus vlcera-
rarius.

noxium esse, & deleteria facultate præditum, ut seu vir, siue animal eo vescatur, præsentaneam mortem sibi molitur, cui nullo remedio occurri potest, tanquam sublimatum aut corrodens aliud medicamentum sumpisset.

Planta sanguineos sudores excitans.

IN vrbe Posto, vbi aliquot annis vixi, omnis generis morbos Indus quidam curabat, solo cuiusdam plantæ succo artubus & parti affecta illito. Aegros deinde stragulis egregie tegebat ad sudorem prouocandum: sudor è partibus illitis emanans, merus sanguis erat, quem lineis pannis abstergebat; atque ita in curatione pergebat, donec satis sudasse putaret, optimis interea cibus eos alens. Eo remedio multi morbi deplorati curabantur, imo ægri iuniores & robustiores ab eius usu fieri videbantur. Sed neque precio, neque precibus, neque minis vnquam efficere potuimus, ut eam plantam nobis demonstraret.

Arbor venereos stimulos domans.

ARBOR quædam hîc inuenitur materie spongiosa, ex qua Indi nunquam ignem struent, tametsi quis illis mortis periculum minitetur: aiunt enim, quotquot ad eius flammam siue ignem accedunt, aut quos solummodo fumus pertingit, in ra venerea impotentes fieri.

Centella, & eius facultates.

TUMORES in pedibus & cruribus ex frigidis humoribus orti hîc curantur herba quadam Centella nuncupata: siquidem ea trita tumoribusq; imposita, ilico pustulas excitat, è quibus multus humor effluit, donec tumor omnino resoluitur. Sapius istas euacuationes inter Indos fieri, & nonnullos Hispanos eis vti vidi.

ANNO 1558. in vrbe D. Iacobi, quæ est in prouincia Chile, quidam Indi captiui furas sibi amputarunt, & eas assas, præ fame, ederunt, & (quod mirabile dictu) cuiusdam plantæ folia vulneribus imponentes, ilico sanguinem sistebant.

HERBÆ & arbores Hispanicis similes, admodum paucæ hîc inueniuntur, quia solum eas non alit. In Hispania
noua

noua (cū primum in nostram potestatem redacta est) multa arbores & plantæ Castellanis similes inuenta sunt, tum etiam aues & quadrupedes.

INVENIUNTUR hic Colubri humana magnitu- Colubri.
dine, nulla feritate metuendi, nec cuiquam nocentes. Ara- Aranci.
nei mali cytrij magnitudine, admodum virulenti. Buffones Buffones
pluit Hispanicis non minores, quos Indi assatos edunt, vt &
pleraque alias immunditias.

PROXIMIS huic continenti insulis, tam multi, tan- Vultures-
tiq; vultures inueniuntur, vt pecudes deuorent, ob custodū,
qui Aethiopes sunt plerunque, negligentiam.

VNA verò res me in admirationem rapit, vaccas in
montibus educatas, si in plana deducantur, omnes emori. Est
mihi amicus qui trecentas vaccas in plana traduxerat, illæ
aliquanto tempore nihil depascentes paulatim defecerunt,
vt ne vna quidem intra mensem ei viua relictæ sit: omnes
autem tremantes & tabescentes moriebantur. Adferebant
nonnulli causam naturalem, quod cū in montibus frigi-
dissimis, vbi singulis diebus pluit, educatæ essent, calorem il-
lum planicie, in quam nullæ vnquam pluuiæ decidunt, ferre
non potuisse, & mutatione illa subita ab extremo frigore, in
extremum calorem, mortuas esse. Etenim consideratione di-
gnum est, quod in planicie illa, quæ octo duntaxat miliari-
bus ad montes vsque patet, in longitudinem verò plus mille
milliaribus porrigitur, nunquam pluerit, in montibus autem
illis vicinis pluat quotidie.

SUPERIORE Octobri venit ad nos affinis meus Al-
phonso Garcias, strenuus miles, qui se verum Alexiphar-
macū inuenisse ait aduersus perniciosum illud toxicum quo
Cannibales in bello & venationibus vtuntur (sola enim fe-
rina & humana victitant) deguntq; à Charças ad Chile
vsque Peruanas prouincias.

Planta quæ est
Alexipharmaca.

EST verò ea planta, ut ait, foliis latis, plantagini Hispanica haud absimilibus, quæ trita & vulneribus imposita, venenū extinguit, & à symptomatibus illis liberat, quæ toxicum generare solet. Pro magno thesauro æstimant Hispani, eam plantam se inuenisse, quoniam illius præsidio tuti, hostes suos Indos non ita metuent, qui dumtaxat illis formidabiles erant, toxici illius præsentaneam mortem adferentis causa: infinitos siquidem Hispanos trucidarunt, quos tamen c sui aptos negant & duriorē carne esse, nisi trucidati tres aut quatuor dies prius inacerentur.

NASCITVR autem eadem regione, vbi sit toxicum, & (tametsi credam aliis etiam locis inueniri) voluit Deus eo loco remedium patefacere, vnde perniciēs adfertur.

HÆC omnia eo scripsi, ut cōsideres apud te, quā multa plantæ his similes in nostris Indiis nascentur, quæ nobis ignota sunt, quoniam Indi neque eas, neque earum facultates nobis patefacere volunt, etiamsi nos morientes videant, aut in carcerem coniiciantur: quod si quedam ex prædictis, & alia nonnulla nobis innotuerunt, ab Indicis mulieribus eas edocti sumus, quæ Hispanis, libidinis gratia, sese commiscētes, omnia quæ sciunt aperiunt.

VERVM prolixior esse nolo, quod ignorem an hæc epistola ad te peruentura sit: quam si peruenisse intellexero, prolixiores dabo de facultatibus aliarum plantarum, & animalium, & de aliis rebus hinc nascētibz, quæ tibi delectationem adferent, quandoquidem harum rerum es adeo studiosus. E Lima in Peru ad 26. Decembris 1568.

Tui studiosissimus

Petrus de Osma & Xarayzeio.

TAMETSI

TAMETSI mihi ignotus sit, qui has ad me dedit, videtur tamen naturalium rerum studiosus, ideoq; mihi amplectendus. Nam, ut militis munus est, perpetuo in armis versari, sanguinem profundere, & alia militaria munia exercere, laudandus est qui plantarum cognitionem, earumq; facultates inquirat. In quo Dioscoridem imitari videtur, qui cum militaret in exercitu Antonij & Cleopatrae, quocunq; tamen perueniebat, plantas, arbores, animalia, fodinas, & alia praeterea Naturae miracula inquirebat, ex quibus sex illos libros, qui toto orbe celebrantur, composuit, ut maiorem laudem scribendo sit consecutus, quam si bellica virtute multas vrbes sub imperium suum subegisset. Itaque multum huic viro debeo, cum propter eam quam de me concepit opinionem, tum eorum quae ad me misit gratia, mihi certe gratissima. Illi scribam, ut nobis plura ex ea regione mittat.

PLANTARVM, quas ad me misit, facultates, experiemur, & semina suo tempore seremus. Lapidēs Bezaares, ab Orientalibus mihi differre videntur: nam in superficie sunt perpoliti, & coloris ex cinereo obscuri, & sub duabus veluti testis aut crustis materiam quandam albam continent, quae dentibus attrita, mera terra est insipida, potiusq; infrigidare, quam calescere videtur. Fabae magnitudinis plerumque sunt: inveniuntur tamen magni & parui, qui magna ex parte sunt pliniores. Ego unum comminui, eiusq; puluerem adolescenti, quem venenum hausisse dicebant, propinaui, & nescio an huius pulueris, aliorumue medicamentorum beneficio, sanatus est. Illius periculum in aliis morbis faciam: & quidquid de hoc, tum aliis medicamentis noui experiemur, in tertio huius historiae medicamentorum volumine describemus, in quo magna arcana continebuntur, quae magnam omnibus oblectationem adferent, & praesertim aegris, qui abs illorum facultatibus curari debebunt.

Lapis Bezar
Peruanus ab
Orientali dif-
fert.

QVID-

QV IDQV ID verò in hac historia scripsi , aut ab iis didici qui ex illis regionibus venerunt , aut ex eorum temperamenti collegimus , aut ipsa experientia nos docuit.

ILLVD verò animadvertere oportet , omnia quæ ex nostris Indiis adferuntur , magna ex parte calida esse , & sub hoc temperamento eis vtendum , si quis illa sumere volet.

F I N I S .

INDEX ALPHABETICVS

IN LIBRVM DE SIMPLICIBVS
medicamentis ex Occidentali India de-
laris, quorum in Medicina vſus eſt :
auctore D. Nicolao Monardis.

A.

<i>Aiorochti.</i>	pagina 56
<i>Alexipharmacum eſt Tabaco.</i>	23
<i>Ambarum colliquatum.</i>	5
<i>Ambar griſeum. 12. eſt Bitumen.</i>	<i>eadem.</i>
<i>non eſt ſperma Balena.</i>	<i>eadem.</i>
<i>eius delectus & facultates.</i>	13
<i>Emplaſtrum ex eo. 14. inebriat.</i>	<i>eadem.</i>
<i>Animal lapidem BeZar gignens.</i>	80. 81
<i>Anime.</i>	5. 6
<i>Aranei.</i>	85
<i>Arbor venereos ſtimulos domans.</i>	84
<i>Armadillo. 54. eius facultates.</i>	56
<i>Aniſum.</i>	26
<i>Articulorum dolori Tabaco prodeſt.</i>	23
<i>Auellane purgatrices, earum hiſtoria & facultates.</i>	61
<i>Axi.</i>	71

B.

<i>Balaſamum, & eius extrahendi ratio. 16</i>	<i>aeſtimatio &</i>
<i>vſus. 17. interius aſſumptum, ſoris additum, &</i>	
<i>Cheirurgicis medicamentis additum.</i>	18
<i>purius.</i>	19

G

Balaſami

INDEX.

Balsami arboris historia. 19.	synclius.	20
Bangue.		26
Ben magnum & paruum, atque earum facultates.		61
Bezar lapis. 80.	eius facultates.	81. 87
Bitumen, & eius facultates.		12
Buflones.		85

C.

Capitulum, eius forma, historia, & facultates.		71
Caragana, & eius facultates.		8. 9
Carbunculus modetur Tabaco.		24
Carcaparilla & eius historia. 37.	eius delectus, nominis occasio, & preparatio inde apud Indos ratio.	38
	Altera preparanda ratio, & vtenda modus.	39
Carga syrupus, & vtendi ratio.		40
Carga puluis, & vtendi ratio.		41
Carga aqua. 40. 41.	vnde inferatur.	41. 42
	eius historia, & exhibenda ratio.	42. 43
	ex ea catapotia.	44
Carlo sancto, eius descriptio, natales, & facultates.		76
	eius decoctum.	77
Cassia solutina, eius delectus & facultates.		59
Catapota pro sterilibus.		14
Centella, & eius facultates		84
Ceuadilla, & eius facultates.		74
Charabe, & eius natales.		6
China. 35.	eius historia, natales, vsus, & preparanda ratio. 34.	Aqua China sumenda modus.
	eius facultates & temperamentum.	37
Cicinum oleum.		9
Colubri.		85
Contra yerna.		29
	Copal-	

INDEX.

Copal. 5
Copalcabuiel. 6

D.

Draconis arboris fructus. 56. eius historia. 57
Dragonar. 57

E.

Emplastrum ex amaro. 14
Emplastrum stomachicum. 8
Encubertado. 54
Erysipelatis curatio. 75

F.

Fabe purgatrices, & earum facultates. 63
Fructus ad bilem, & eius facultates. 60
Fructus dysentericus ex Quito. 58
Fructus vlcerarius. 83

G.

Gangranis medetur Tabaco. 24
Guayacan. 29. & eius historia. 31. 32
eius decoctum atque vsus. 32
Guayaci facultates, & Serapium ex eo. 34
Guacatane, & eius facultates. 78
Guayaquil. 42
Gummi ad podagram, & eius facultates. 57

H.

Herba Iohannis infantis: eius historia & facultates. 28
Herba Regine. 27

G 2

Herba

INDEX.

<i>Herba sancta.</i>	27
<i>Hynourahé, eius historia & facultates.</i>	34

L.

<i>Lacerti Caymanes.</i>	53
<i>Lacerti magnitudo ingens.</i>	54
<i>Lapis Præsius.</i>	51
<i>Lapis Tiburonum, & eius facultates.</i>	52
<i>Lapa Caymanum, & eius facultates.</i>	53
<i>Lapis Sanguinalis, & eius facultates.</i>	54
<i>Lapis rimæ pedum curans.</i>	54
<i>Lapis nephriticus, eius varia forma, & facultates.</i>	51
<i>Lignum nephriticum.</i>	50
<i>Lignum aromaticum.</i>	50
<i>Lignum Indicum.</i>	31
<i>Liquid- Ambar, & eius facultates.</i>	15. 16
<i>oleum ex eo.</i>	16
<i>Lues venerea.</i>	29. 30

M.

<i>Manati piscis.</i>	52
<i>Mechoacan, & eius forma. 68. 70. eius facultates, exhibendi ratio, pulvis, & catapotia.</i>	69
<i>Medicamentum ad ignem sacrum.</i>	75
<i>Medicorum disceptatio de origine morbi Gallici.</i>	31
<i>Molle, eius historia, natales & facultates.</i>	48. 83
<i>Morbus Gallicus. 29. 30. 31. Neapolitanus.</i>	31

N.

<i>Naphtha.</i>	12
<i>Nephritidi Tabaco prodest.</i>	23
<i>Nico-</i>	

INDEX.

<i>Nicotiana.</i>	27
<i>Nuclei Pinei purgantes, eorum descriptio & facultates.</i>	62
O.	
<i>Ocoçol.</i>	15
<i>Oleum cicinum. 9. eius facultates.</i>	10
<i>Oleum ex Liquidambar.</i>	16
<i>Oleorum eliciendorum ratio.</i>	9
<i>Oleum ficus infernalis.</i>	9
<i>Opium.</i>	26
P.	
<i>Pauame & eius historia. 45</i>	<i>Delectus, tempera-</i>
<i>mentum, & facultates. 46.</i>	<i>eius decocti parandi</i>
<i>ratio.</i>	47
<i>Perebecenus.</i>	27
<i>Petum, & eius genera duo. 27.</i>	<i>eius natales, &</i>
<i>facultates</i>	28
<i>Picielt.</i>	21
<i>Pilule sanem, sitimque sedantes.</i>	26
<i>Pinipinichi.</i>	67
<i>Piper.</i>	70
<i>Phaseolus Peruanus.</i>	82
<i>Planta graminii similis.</i>	82
<i>Planta sanguineos sudores excitans.</i>	84
<i>Planta quæ est Alexipharmacum.</i>	86
<i>Præsius lapis.</i>	51

Q

<i>Quimbaya radix.</i>	70
------------------------	----

G 3

R. Radices

INDEX.

R.

Radices venenis aduersantes.	29
Radix Quimbaya.	70
Radix S. Helena. eius historia, natales, & facult.	77
Raphanus.	26
Resina Balsami facultatibus praedita.	20
Resina Carthagenensis, & eius facultates.	20

S.

Sanguis draconis: & cur sic dictus.	56.	eius historia,
& facultates.		57
Sassafras.	44.	qua & Parame.
	45.	eius histo-
ria.		45
Scabies Hispanica.		31
Serapium ex Tabaco.		21
Serpigo Indica.		31
Solanum furiosum.		26
Succinum non est lachryma.		6
Sulphur Nicaragnanum.		75
Sulphur Quitense, & eius facultates.		75

- T.

Tabaco.	20.	eius natales & facultates.	21
Serapium ex eo.	22.	cruditatibus ventriculi	
prodest.	22.	Alexipharmacum est.	23
eius experiendi aduersus venena occasio.			24
eius vsus Indis frequens.			25
Tacamabaca, & eius facultates.			7
Tattoo.			

INDEX.

Tattoo.	36
Tiburou piscis.	32
Toçot-guebit.	7

V.

Vteri suffocationi Tabaco prodest.	15
Vulneribus recentibus medetur Tabaco.	24
Vulneribus animalium	24
Vultures.	85

X.

Xelochopali.	6
--------------	---

FINIS.

